


南史



リ 8  
1735  
177









特  
1735  
177

李延壽南史凡八十篇總八十卷

本紀十卷

列傳七十卷



此係明告  
卅八年八  
月諸同人  
掉山田一  
郎君以贖  
所購以贈



及口詩  
正



皇明崇禎十有三年歲在上章執徐十一月上弦琴川毛氏開雕



南史目錄

第一卷

本紀一

宋紀上

武帝

少帝

第二卷

本紀二

宋紀中

文帝

孝武帝

前廢帝

第三卷

本紀三

宋紀下

南史目錄



明帝

後廢帝

順帝

第四卷

本紀四

齊紀上

高帝

武帝

第五卷

本紀五

齊紀下

廢帝鬱林王

廢帝海陵王

明帝

二

廢帝東昏侯

諱寶卷

和帝

諱寶融

第六卷

本紀六

梁紀上

武帝上

諱衍  
姓蕭氏

第七卷

本紀七

梁紀中

武帝下

第八卷

本紀八

梁紀下

簡文帝

諱綱

元帝

諱繹



敬帝 諱方智

第九卷

本紀九

陳紀上

武帝 諱霸先 姓陳氏

文帝 諱蒨

廢帝 諱伯宗

第十卷

本紀十

陳紀下

宣帝 諱顛

後主 諱叔寶

第十一卷

列傳一

后妃上

三

宋孝穆趙皇后

武敬臧皇后

文章胡太后

文元表皇后 潘淑妃

明宣沈太后

前廢帝何皇后

後廢帝陳太妃

順陳太妃

齊宣孝陳皇后

武穆裴皇后

鬱林王何妃

明敬劉皇后

孝懿蕭皇后

武張夫人

少帝司馬皇后

孝武昭路太后

孝武文穆王皇后 宣貴妃

明恭王皇后

後廢帝江皇后

順謝皇后

高昭劉皇后

文安王皇后

海陵王王妃

東昏褚皇后



和王皇后

第十二卷

列傳二

后妃下

梁文獻張皇后

武德邠皇后

武丁貴嬪

武阮修容

簡文王皇后

元徐妃

敬夏太后

敬王皇后

陳武宣章皇后

文沈皇后

廢帝王皇后

宣柳皇后

後主沈皇后

張貴妃

第十三卷

列傳三

宋宗室及諸王

長沙景王道憐

臨川烈武王道規

從季連

鮑照

營浦侯遵考

武帝諸子

廬陵孝獻王義真

彭城王義康

江夏文獻王義恭

南郡王義宣

衡陽文王義季

第十四卷

列傳四

文帝諸子

元凶劭

始興王濬

南平穆王鑠

竟陵王誕

建平宣簡王宏

廬陵王緯

晉熙王和

武昌王渾



始安王休仁

晉平刺王休祐

海陵王休茂

鄱陽哀王休業

臨慶冲王休倩

新野懷王夷父

桂陽王休範

巴陵哀王休若

孝武諸子

豫章王子尚

晉安王子勛

松滋侯子房

臨海王子頊

始平孝敬王子鸞

永嘉王子仁

始安王子貞

邵陵王子元

齊敬王子羽

淮南王子孟

晉陵孝王子雲

南海哀王子師

淮陽思王子霄

東平王子嗣

武陵王贊

明帝諸子

邵陵殤王友

隨陽王翽

新興王嵩

始建王禧

第十五卷

列傳五

劉穆之

晉孫祥從子秀之

徐羨之

從孫湛之湛之孫孝嗣

傅亮

族兄隆

檀道濟

兄韶韶孫珪

第十六卷

列傳六

王鎮惡

朱齡石

弟超石

毛修之

孫惠素

傅弘之

朱修之

王玄謨

子瞻從弟玄象玄載玄邈

第十七卷

列傳七



劉敬宣

劉懷肅

弟懷敬 懷慎

劉粹

族弟損

孫處

蒯恩

向靖

子柳

劉鐘

虞丘進

孟懷玉

弟龍符

胡藩

劉康祖

伯父簡之 簡之弟謙之 簡之子道產 道產子延孫

第十八卷

列傳八

趙倫之

子伯符

蕭思話

子惠開 惠明 惠明子琬素 惠明弟惠基 惠基于洽 惠基弟惠休 惠休弟子介 介子允 引 惠開從子琛

臧燾

玄孫嚴 嚴族叔未甄 未甄子盾 燾弟燾 燾子質

第十九卷

列傳九

謝晦

兄瞻 弟瞻 從叔澹

謝裕

子洵 玄孫微 裕弟純 從叔暉

謝方明

子惠連

謝靈運

孫超宗 曾孫幾卿

第二十卷

列傳十

謝弘微

子莊 孫明 曾孫諲 玄孫哲 明弟顯 顯弟滄 滄子覽 覽弟舉 舉子蝦 舉子僑

第二十一卷

列傳十一

王弘

子錫 孫僧達 曾孫融 弘弟子微 微兄遠 遠子僧祐 僧祐子藉 弘從孫瞻 弘玄孫冲 子瑒 瑜

第二十二卷

列傳十二

王曇首

子僧綽 孫儉 曾孫騫 騫子規 騫弟暕 暕子承 訓 僧綽弟僧虔 僧虔子慈 慈子泰 慈弟志 志弟子筠 志弟彬 寂

第二十三卷

列傳十三

五

王誕

兄子偃 偃子藻 藻弟子莹 莹從弟亮

王華

從弟琨

王惠

從弟球

王彧

子綯 綯弟績 績孫克 或兄子蘊 真 真弟份 份弟銓 錫 僉 通 勵 質 因

南史目錄

六



第二十四卷 列傳十四

王裕之 孫秀之 延之 阮韜 延之子綸之

王鎮之 弟弘之 弘之孫晏 晏從弟思遠

王悅之 王韶之 從弟遠之 珪之

第二十五卷 列傳十五

王懿 到彥之 孫搗 搗子沆 沆從兄凝 洽 洽子仲舉

垣護之 弟子崇祖 崇祖從父閔 閔弟子曇深

張興世 子欣泰

第二十六卷 列傳十六

表湛 弟豹 豹子淑 淑兄子顛 顛從弟粲 顛弟子象 象從弟昂 馬仙理 昂子君正 君正子樞 憲 君正弟敬 泌

第二十七卷 列傳十七

孔靖 孫琇之 琇之曾孫真

孔琳之 孫顛

殷景仁 從祖弟淳

第二十八卷 列傳十八

褚裕之 弟淡之 玄孫球 裕之兄子湛之 湛之子彥回 彥回子賁 秦 秦子向 向子翔 彥回弟澄 從弟炤 炫 炫子濡 雲子蒙 蒙子介

第二十九卷 列傳十九

蔡廓 子興宗 孫約 約弟樽 曾孫凝

第三十卷 列傳二十

何尚之 子偃 孫戡 偃弟子求 求弟黠 黠弟胤 胤從弟炯 尚之弟子昌寓 昌寓子敬容

第三十一卷 列傳二十一

張裕 子永 岱 岱兄子緒 緒子完 完 永子瓌 瓌子率 率弟盾 瓌弟櫻 櫻子嘯 櫻從子種

第三十二卷 列傳二十二

張邵 子敷 孫冲 兄子暢 暢子融 寶積 徐文伯 文伯弟嗣伯



第三十三卷

列傳二十三

范泰

子暹

荀伯子

族子萬秋

徐廣

郗紹 廣兄子諮

鄭鮮之

曾孫遜

裴松之

孫昭明 曾孫子野

何承天

曾孫遜

第三十四卷

列傳二十四

顏延之

子竣 從子師伯

沈懷文

子冲 從兄曇慶

周朗

族孫顯 顯子捨 捨弟子弘正 弘讓 弘直 弘直子確

第三十五卷

列傳二十五

劉湛

庾悅

族弟登之 登之子仲文 仲文子弘遠 仲文族孫仲容

顧琛

顧愷之

孫憲之

第三十六卷

列傳二十六

羊欣

羊玄保

子戎 兄子希

沈演之

子勃 兄孫顛 演之從子憲 憲孫浚

江夷

子湛 曾孫敷 玄孫倩 祿 五世孫紇 六世孫總 夷弟子智深

江秉之

孫謐

第三十七卷

列傳二十七

沈慶之

孫昭略 子文季 弟子文秀 從子攸之 攸之從孫僧昭

宗慤

從子史

第三十八卷

列傳二十八

柳元景

元景弟子世隆 世隆子愔 愔弟暉 暉子偃 偃子盼 暉弟忱 世隆從弟慶遠 慶遠子津 津子仲禮 敬禮

第三十九卷

列傳二十九

殷孝祖

族子琰

劉劭

子俊 孫孺 覽 遵 俊弟子苞 俊弟繪 繪子孝緯 繪弟績

南史目錄



第四十卷

列傳三十

魯爽

薛安都

從子深

鄧琬

劉胡

宗越

吳喜

王回

第四十一卷

列傳三十一

齊宗室

衡陽元王道度

始安貞王道生

始安王遙光

曲江公遙欣

子幾

安陸昭王緬

新吳侯景先

南豐伯赤斧

子穎胃  
穎達

衡陽公諶

臨汝侯坦之

第四十二卷

列傳三十二

齊高帝諸子上

豫章文獻王疑

子子廉 子恪 子操 子範 子範 子乾  
子範弟子顯 子雲

第四十三卷

列傳三十三

齊高帝諸子下

臨川獻王映

長沙威王晃

武陵昭王暉

安成恭王暕

鄱陽王鏘

桂陽王鐸

始興簡王鑑

江夏王鋒

南平王鏡

宜都王鏗

晉熙王鉞

河東王鉉

第四十四卷

列傳三十四

齊武帝諸子

齊武帝諸子



文惠太子長懋

竟陵文宣王子良 子昌昭

廬陵王子卿

魚復侯子響

安陸王子敬

晉安王子懋

南郡王子隆

建安王子真

西陽王子明

南海王子罕

巴陵王子倫

邵陵王子貞

臨賀王子岳

西陽王子文

衡陽王子峻

南康王子琳

湘東王子建

南郡王子夏

文惠諸子

巴陵王昭秀

桂陽王昭粲

明帝諸子

巴陵隱王寶義

江夏王寶玄

廬陵王寶源

鄱陽王寶寅

邵陵王寶修

晉熙王寶嵩

桂陽王寶貞

第四十五卷

列傳三十五

王敬則

陳顯達

張敬兒

崔慧景

第四十六卷

列傳三十六

李安人 子元履

戴僧靜

桓康

焦度

曹武 子世宗

呂安國

周山圖

周盤龍 子奉叔



王廣之 子珍國 張齊

第四十七卷 列傳三十七

荀伯玉

崔祖思 祖思叔父景真 景真子元祖 宗人文仲

蘇侃

虞棕

胡諧之 范柏年

虞玩之

劉休

江祐 劉暄

第四十八卷 列傳三十八

陸澄

陸慧曉 子雋 孫縉 兄子閑 閑子絳 絳弟厥 厥弟襄 襄兄子雲公 雲公子瓊 瓊子從典 瓊從弟瑛 瑛弟瑜 瑜從兄玠 玠弟琛

陸杲 子暉

第四十九卷 列傳三十九

庾杲之 叔父華

王湛 從叔摛 何憲 孔邊

孔珪

劉懷珍 子靈哲 從父弟峻 劉沼 從子懷慰 懷慰子霽 杏 敲 懷珍從孫訐 懷珍族弟善明

第五十卷 列傳四十

劉瓛 弟繼 族子顯

明僧紹 子山賓

庾易 子黔 妻 於陵 肩吾

劉虬 子之遴 之亨 虬從弟坦

第五十一卷 列傳四十一

梁宗室上

吳平侯景 子勵 勸 勸 勃 弟昌 昂 景

長沙宣武王懿 子業 孫孝嚴 業弟藻 獸 獸子韶 駿 弟朗明

衡陽宣王暢

桂陽簡王融 子象 象子造

臨川靜惠王宏 宏子正仁 正義 正德 正德子見理 正德弟正則 正則弟正立 正立子賁 正立子賁 正立弟正表 正信

南史目錄



第五十二卷

列傳四十二

梁宗室下

安成康王秀

秀子機  
機弟推

南平元襄王偉

偉子恪  
恭子靜

恪弟恭  
恭弟祇

鄱陽忠烈王恢

恢子範  
諮弟修

範子嗣  
修弟泰

範弟諮

始興忠武王憺

憺子亮  
映弟暉

亮弟映

第五十三卷

列傳四十三

十

梁武帝諸子

昭明太子統

豫章王綜

南康簡王績

廬陵威王績

邵陵攜王綸

武陵王紀

第五十四卷

列傳四十四

梁簡文帝諸子

哀太子大器

尋陽王大心

臨川王大款

南海王大臨

南郡王大連

安陸王大春

桂陽王大成

汝南王大封

瀏陽公大雅

新興王大莊

西陽王大鈞

武寧王大威

皇子大訓

建平王大球

義安王大昕

綏建王大摯

樂良王大圜

元帝諸子

忠烈世子方等

貞惠世子方諸



愍懷太子方矩

始安王方略

第五十五卷

列傳四十五

王茂

曹景宗

席闡文

夏侯詳

子亶 夔

吉士瞻

蔡道恭

楊公則

鄧元起

羅研 李膺

張惠紹

馮道根

康絢

昌義之

第五十六卷

列傳四十六

張弘策

子緬 纘

庾域

子子輿

鄭紹叔

呂僧珍

樂藹

子法才

江子一

胡僧祐

徐文盛

陰子春

子鏗

杜崩

兄岸 弟幼安 兄子龕

王琳

張彪

第六十五卷

列傳五十五

十二

陳宗室諸王

永修侯擬

遂興侯詳

宜黃侯慧紀

衡陽王昌

子伯信

南康愍王曇朗

子方泰

方慶

文帝諸子

始興王伯茂

鄱陽王伯山

新安王伯固

晉安王伯恭



廬陵王伯仁

江夏王伯義

武陵王伯禮

永陽王伯智

桂陽王伯謀

宣帝諸子

始興王叔陵

豫章王叔英

長沙王叔堅

建安王叔卿

宜都王叔明

河東王叔獻

新蔡王叔齊

晉熙王叔文

淮南王叔彪

始興王叔重

尋陽王叔儼

岳陽王叔慎

義陽王叔達

巴山王叔雄

武昌王叔虞

湘東王叔平

第五十七卷

列傳四十七

沈約

子旋孫衆

范雲

從兄績

第五十八卷

列傳四十八

十一

韋叡

兄纂 闡 叡子放 孫粲 放弟正 正子載 鼎 正弟稜 稜弟黯

裴邃

邃子之禮 兄子之高 之高弟之平 之平子忌 之高弟之橫

第五十九卷

列傳四十九

江淹

任昉

王僧孺

第六十卷

列傳五十

范岫

傅昭

弟映

孔休源

江革

子德藻

徐勉

許懋

子亨



殷鈞 宗人芸

第六十一卷 列傳五十一

陳伯之

陳慶之 子昕 暄

蘭欽

第六十二卷 列傳五十二

賀瑒 子華 弟子琛

司馬鑿

朱异

顧協

徐摘 子陵 陵子儉 份 儀 陵弟孝克

鮑泉 鮑行卿 行卿弟客卿

第六十三卷 列傳五十三

王神念 子僧辯

羊侃 子球 鴟

羊鴉仁

第六十四卷 列傳五十四

臨賀王叔敖

陽山王叔宣

西陽王叔穆

南安王叔儉

南郡王叔澄

沅陵王叔興

岳山王叔韶

新興王叔純

巴東王叔謨

臨海王叔顯

新會王叔坦

新寧王叔隆

新昌王叔榮

太原王叔匡

後主諸子

太子深

吳興王胤

南平王疑

永嘉王彥

南海王虔

信義王祗

邵陵王兢

會稽王莊



東陽王恮

吳郡王藩

錢塘王恬

第六十六卷

列傳五十六

杜僧明

周文育

子寶安

侯瑱

侯安都

歐陽頎

子紇

黃法甌

淳于量

章昭達

吳明徹

裴子烈

第六十七卷

列傳五十七

胡穎

徐度

子敬成

杜稜

周鐵武

程靈洗

子文季

沈恪

陸子隆

錢道戢

駱文牙

孫瑒

徐世譜

周敷

荀朗

周昺

魯悉達

弟廣達

蕭摩訶

子世廉

任忠

樊毅

弟猛

第六十八卷

列傳五十八

趙知禮

蔡景歷

子徵

宗元饒

韓子高

華皎

劉師知

謝岐

毛喜

沈君理

陸山才



第六十九卷

列傳五十九

沈炯

虞荔

弟寄

傅縡

章華

顧野王

蕭濟

姚察

第七十卷

列傳六十

循吏

吉翰

杜驥

申佑

杜慧慶

阮長之

甄法崇

孫彬

傅琰

孫岐

虞愿

王洪軌

李珪之

沈瑀

范述曾

孫謙

從子廉

何遠

郭祖深

第七十一卷

列傳六十一

十三

儒林

伏曼容

子暉

暉子挺

何佟之

嚴植之

司馬筠

卞華

崔靈恩

孔僉

盧廣

沈峻

太史叔明峻子文阿

孔子祛

皇侃

沈洙

戚袞

鄭灼

張崖

陸詡

賀德基

全緩

張譏

顧越

龔孟舒

沈不害



王元規 陸慶

第七十二卷

列傳六十二

文學

丘靈鞠 子遲 從孫仲孚

檀超 熊襄 吳邁遠 超叔道鸞

卞彬 諸葛勗 表嘏 孫抱

丘巨源 孔廣 孔達 虞通之 虞劼 司馬憲 表仲明 孫詵

王智深

崔慰祖

祖冲之 子暉之 孫皓 來疑

賈希鏡

袁峻

劉昭 子緝 緩

鐘嶸 兄嘏 弟嶼 江洪

周興嗣

吳均

劉勰

何思澄 子期 王于雲

任孝恭

顏協

紀少瑜

杜之偉

顏晃

岑之敬

何之元

徐伯陽

張正見

阮卓

第七十三卷

列傳六十三

孝義上

龔穎

劉瑜 董陽

賈恩

郭世通 子原平

嚴世期

吳達

潘綜 陳遺 秦綿

張進之 俞僉 張楚

丘傑

師覺授



王彭

蔣恭

徐耕

孫法宗

范叔孫 吳國夫

卜天與 弟天生

許昭先

余齊人

孫棘 妻許之徐元妻許  
錢延慶

何子平 顧昌衍 江柔之

崔懷順

王虛之 江軻

吳慶之

蕭叡明 鮮于文宗

蕭矯妻羊

羊緝之女佩任 吳康之妻趙 蔣儁之妻黃 吳翼之母丁  
會稽陳氏二女 永興旣中里王氏女 諸暨屠氏女 吳興乘公  
濟妻姚 吳郡范法恂妻楛

公孫僧達

吳欣之

韓係伯

丘冠先

孫淡

華寶 薛公生  
劉崇胤

解叔謙 宗元卿 庾震 庾康 謝昌寓

韓靈敏

劉颯 弟濂 柳叔夜

封延伯 陳玄子 邵榮興 文獻叔 徐生之 范安祖 李聖伯  
范道根 譚弘寶 何弘 陽黑頭 王續祖 郝道福

吳達之 蔡墨碧 何伯興

王文殊

樂願之 弟預 沈升之

江泌

庾道愍 族孫沙彌 沙彌子持

第七十四卷

列傳六十四

孝義下

藤曇恭 徐普濟 張弟

陶季直

沈崇僚

荀匠

吉玃

甄恬

趙拔扈

韓懷明



褚修

張景仁

宛陵女子 劉景昕

衛敬瑜妻上

陶子鏘

成景儁

李慶緒

謝蘭

子貞

殷不害

司馬暉

張昭

弟乾 王知玄

第七十五卷

列傳六十五

隱逸上

陶潛

宗少文

孫測 從弟或之

沈道虔

孔淳之

周續之

戴顒

翟法賜

雷次宗

郭希林

劉凝之

龔祈

朱百年

關康之

辛普明 樓惠明

漁父

褚伯玉

顧歡

盧度

杜京產

孔道微 京產子 剡縣小兒

第七十六卷

列傳六十六

十四尾

隱逸下

臧榮緒

吳苞

趙僧巖 孔嗣之

蔡薈

徐伯珍

婁幼瑜

沈麟士

阮孝緒

鄧郁

陶弘景

釋寶誌

諸葛璩

劉惠斐

兄慧鏡 慧鏡子曇瑋

范元琰

庾詵

張孝秀



庚承先

馬樞

第七十七卷

列傳六十七

恩倖

戴法興

戴明寶

徐爰

阮佃夫

紀僧真

劉係宗

茹法亮

呂文顯

茹法珍

梅出兒

周石珍

陸驗

徐麟

司馬申

施文慶

沈客卿

孔範

第七十八卷

列傳六十八

夷貊上

海南諸國

林邑國

扶南國

西南夷

訶羅陀國

阿羅單國

婆皇國

波達國

闍婆達國

槃槃國

丹丹國

于陀利國

狼牙修國

婆利國

中天竺國

天竺迦毗黎國

師子國

第七十九卷

列傳六十九

夷貊下



東夷

高句麗

新羅

文身

扶桑

西戎

河南王

鄧至

諸蠻

荆雍州蠻

顧琛域

高昌

百濟

倭

大漢

宕昌

武興

豫州蠻

顧愷之 孫靈芝

猾

呵跋檀

龜茲

渴盤陁

波斯

北狄

蠕蠕

第八十卷

列傳七十

賊臣

侯景

熊曇朗

留異

白題

于闐

末

王偉

周迪

陳寶應



南史目錄終

南史卷一

宋本紀上第一

魏川中鳳圖  
氏書印

武帝

少帝

宋高祖武皇帝諱裕字德興小字寄奴彭城縣綏興里人姓劉氏漢楚元王交之二十一世孫也彭城楚都故苗裔家焉晉氏東遷劉氏移居晉陵丹徒之京口里皇祖靖晉東安太守皇考翹字顯宗郡功曹帝以晉哀帝興寧元年歲在癸亥三月壬寅夜生神光照室盡明是夕甘露降于墓樹及長雄傑有大度身長七尺六寸風骨竒偉不事廉隅小節奉繼母以孝聞嘗游京口竹林寺獨臥講堂前上有五色龍章衆僧見之驚以白帝帝獨喜曰上人無妄言皇考墓在丹徒之候山其地秦史所謂曲阿丹徒間有天子氣



者也時有孔恭者妙善占墓帝嘗與經墓欺之曰此墓何如孔恭曰非常地也帝由是益自負行止時見二小龍附翼樵漁山澤同侶或亦覩焉及貴龍形更大帝素貧時人莫能知唯琅邪王謚獨深敬焉帝嘗負刀達社錢三萬經時無以還被達執謚密以已錢代償由是得釋後伐荻新洲見大蛇長數丈射之傷明日復至洲裏聞有杵臼聲往覘之見童子數人皆青衣壽藥問其故答曰我王爲劉寄奴所射合散傅之帝曰王神何不殺之答曰劉寄奴王者不死不可殺帝叱之皆散仍收藥而反又經客下邳逆旅會一沙門謂帝曰江表當亂安之者其在君乎帝先患手創積年不愈愈寶其餘及所得童子藥每遇金創傅之並驗初爲冠軍孫無終司馬晉隆安三年十一月妖賊孫恩作亂於會稽朝廷遣衛將軍

謝琰前將軍劉牢之東討牢之請帝參府軍事命與數十人覘賊遇賊衆數千帝便與戰所將人多死而帝奮長刀所殺傷甚衆牢之子敬宣疑帝爲賊所困乃輕騎尋之旣而衆騎並至遂平山陰恩遁入海四年五月恩復入會稽殺謝琰十一月牢之復東征使帝戍句章城小人少帝每戰陷陣賊乃退還浹口時東伐諸將士卒暴掠百姓皆苦之惟帝獨無所犯五年春恩頻攻句章帝屢破之恩復入海三月恩北出海鹽帝築城于故海鹽賊日來攻城城內兵少帝乃選敢死士擊走之時雖連勝帝深慮衆寡不敵乃一夜偃旗示以羸弱觀其懈乃奮擊大破之恩知城不可下進向滬瀆帝棄城追之海鹽令鮑陋遣子嗣之以吳兵一千爲前驅帝以吳人不習戰命之在後不從是夜帝多設奇兵兼置旗鼓明日戰伏發賊退嗣之追奔陷沒帝且退且戰麾下死傷將盡乃至



向處止令左右解取死人衣以示暇賊疑尚有伏乃引去六月恩  
浮海至丹徒帝兼行與俱至奔擊大破之恩至建鄴知朝廷有備  
遂走鬱洲八月晉帝以帝爲下邳太守帝又追恩至鬱洲及海鹽  
頻破之恩自是饑饉奔臨海元興元年荊州刺史桓玄舉兵東下  
驃騎將軍司馬元顯遣牢之拒之帝又參其軍事玄至帝請擊之  
牢之不許乃遣子敬宣詣玄請和帝與東海何無忌並固諫不從  
玄剋建鄴以牢之爲會稽內史牢之懼招帝於廣陵舉兵帝曰人  
情去矣廣陵亦豈可得之牢之竟縊于新洲何無忌謂帝曰我將  
何之帝曰可隨我還京口玄必守臣節當與卿事之不然與卿圖  
之玄從兄修以撫軍將軍鎮丹徒以帝爲中兵參軍孫恩自敗後  
懼見獲乃投水死於臨海餘衆推恩妹夫盧循爲主玄復遣帝東  
征二年循奔永嘉帝追破之六月加帝彭城內史十二月桓玄篡

位遷晉帝於尋陽桓修入朝帝從至建鄴玄見帝謂司徒王謐曰  
昨見劉裕風骨不恒蓋人傑也每游集贈賜甚厚玄妻劉氏尚書  
令耽之女也聰明有智鑒嘗見帝因謂玄曰劉裕龍行虎步視瞻  
不凡恐必不爲人下宜早爲其所玄曰我方平蕩中原非裕莫可  
待關隴平定然後議之修尋還京口帝託以金創疾動不堪步從  
乃與無忌同船共還建興復計及弟道規沛國劉毅平昌孟昶任  
城魏詠之高平檀憑之琅邪諸葛長人太原王元德隴西辛扈興  
東莞童厚之並同義謀時桓修弟弘爲青州刺史鎮廣陵道規爲  
弘中兵參軍和爲州主簿乃令毅就和謀共襲弘長人爲豫州刺  
史刁達左軍府參軍謀據歷陽相應元德厚之謀於建鄴攻玄剋  
期齊發三年二月乙卯帝託游獵與無忌詠之憑之毅從弟藩憑  
之從子韶祇隆道濟和族弟懷玉等集義徒凡二十七人願從者



百餘人丙辰候城門開無忌等義徒服傳詔服稱詔居前義衆馳入齊叫吏士驚散卽斬修以徇帝哭之甚慟厚加斂恤和勸弘其日出獵未明開門出獵人和道規毅等率壯士五六十人因開門直入弘方噉粥卽斬之因收衆濟江義軍初剋京城修司馬刁弘率文武佐吏來赴帝登城謂曰郭江州已奉乘輿反正於尋陽我等並被密詔誅逆黨今日賊玄之首已當梟於大航諸君非大晉之臣乎弘等信之而退毅旣至帝命誅弘等毅兄邁先在建鄴事未發數日帝遣同謀周安穆報之使爲內應邁甚懼安穆慮事發馳歸時玄以邁爲竟陵太守邁便下船欲之郡是夜玄與邁書曰北府人情云何卿近見劉裕何所道邁謂玄已知其謀晨起白之玄驚封邁爲重安侯又以不執安穆故殺之誅元德扈與厚之等乃遣頓丘太守吳甫之右衛將軍皇甫敷北拒義軍先是帝造游

擊將軍何澹之左右見帝光耀滿室以告澹之澹之以白玄玄不以爲意至是聞義兵起甚懼或曰裕等甚弱陛下何慮之深玄曰劉裕足爲一世之雄劉毅家無儋石之儲樛蒲一擲百萬何無忌劉牢之之外甥酷似其舅共舉大事何謂無成時衆推帝爲盟主以孟和爲長史總後事檀憑之爲司馬百姓願從者千餘人軍次竹里移檄都下曰夫成敗相因理不常泰狡焉肆虐或遇聖明自我大晉屢邁陽九隆安以來皇家多故貞良弊於豺狼忠臣碎於虎口逆臣桓玄敢肆陵慢阻兵荆郢肆暴都邑天未忘難凶力寔繁踰年之間遂傾皇祚主上播越流幸非所神器沈辱七廟毀墜雖夏后之離泥豷有漢之遭莽卓方之於茲未足爲喻自玄篡逆于今歷載彌年亢旱人不聊生士庶疲於轉輸文武困於板築室家分析父子乖離豈唯大東有杼軸之悲標梅有傾筐之怨而已



南史一  
四  
哉仰觀天文俯察人事此而可存孰有可亡凡在有心誰不扼腕  
裕等所以叩心泣血不遑啟處者也是故夕寐宵興搜獎忠烈潛  
構崎嶇過於履虎乘機奮發義不圖全輔國將軍劉毅廣武將軍  
何無忌鎮北主簿孟昶兗州主簿魏詠之寧遠將軍劉道規龍驤  
參軍劉藩振威將軍檀憑之等忠烈斷金精貫白日荷戈俟奮志  
在畢命益州刺史毛璩萬里齊契掃定荆楚江州刺史郭昶之奉  
迎主上宮于尋陽鎮北將軍王元德等並率部曲保據石頭揚武  
將軍諸葛長人收集義士已據歷陽征虜將軍庾曠之等潛相連  
結以爲內應同力協契所在蠡起即日斬僞徐州刺史安成王修  
青州刺史弘義衆既集文武爭先咸謂不有一統則事無以緝裕  
辭不護命遂總軍要庶上憑祖宗之靈下罄義夫之節剪馘逆  
蕩清京華公侯諸君或世樹忠貞或身荷爵寵而並俛眉猾豎無

由自效顧瞻周道寧不弔乎今日之舉良其會也裕以虛薄才非  
古人受任於旣頽之運接勢於已替之機丹誠未宣感慨憤激望  
霄漢以永懷眄山川以增佇投檄之日神馳賊庭三月戊午遇吳  
甫之於江乘帝躬執長刀大呼卽斬甫之進至羅洛橋遇皇甫敷  
檀憑之戰敗死之衆退帝進戰彌厲又斬敷首初帝建大謀有工  
相者相帝與無忌等近當大貴惟云憑之無相至是憑之戰死帝  
知其事必捷玄聞敷等沒使桓謙屯東陵口卞範之屯覆舟山西  
已未義軍進至覆舟東張疑兵以油帔冠諸樹布滿山谷帝先馳  
之將士皆殊死戰無不一當百呼聲動天地因風縱火烟焰張天  
謙等大敗玄始雖遣軍而走意已決別遣領軍殷仲文具舟石頭  
聞謙敗輕船南逸庚申帝鎮石頭城立留臺總百官焚桓溫主於  
宣陽門外造晉新主於太廟遣諸將追玄命尚書王嘏率百官奉



迎乘輿司徒王謐與衆議推帝領揚州帝固辭乃以謐爲錄尚書  
事領揚州刺史帝爲鎮軍將軍都督八州諸軍事徐州刺史領軍  
將軍初晉陵人韋叟善相術桓修令相帝當得州不叟曰當得邊  
州刺史退而私於帝曰君相貴不可言帝笑曰若中當相用爲司  
馬至是叟詣帝曰成王不負桐葉之信公亦應不忘司馬之言今  
不敢希鎮軍司馬願得領軍佐於是用焉時諸葛長人失期爲刀  
達執送未至而玄敗玄經尋陽江州刺史郭昶之爲具乘輿法物  
初荊州刺史王綏以江左冠族又桓氏之甥素甚陵帝至是及其  
父尚書左僕射愉有自疑志並及誅四月戊子奉武陵王遵爲大  
將軍承制大赦惟桓氏一祖後不免桓玄之篡王謐佐命手解安  
帝璽紱及義旗建衆謂謐宜誅惟帝素德謐保持之劉毅嘗因朝  
會問謐璽紱所在謐益懼及王愉父子誅謐從弟湛謂謐曰王駒

無罪而誅此是剪除勝已兄旣桓氏黨附求免得乎駒愉小字也  
謐懼奔曲阿帝賤白大將軍迎還復其位玄挾天子走江陵又浮  
江東下與劉毅何無忌劉道規等遇於崢嶸洲衆軍大破之玄黨  
殷仲文奉晉二皇后還建鄴玄復挾天子至江陵因走南郡太守  
王騰之荊州別駕王康產奉天子入南郡府初益州刺史毛璩遣  
從孫祐之與參軍費恬送弟喪下州璩弟子修之時爲玄屯騎校  
尉誘玄入蜀至枚回洲恬與祐之迎射之益州督護馮遷斬玄傳  
首建鄴玄從子振逃於華容之涌中招集逆黨襲江陵城騰之康  
產皆被殺桓謙先匿沮川亦聚衆應振爲玄舉哀立喪庭謙率衆  
官奉璽紱于安帝劉毅何無忌進及桓振戰敗績於靈谿十月帝  
領青州刺史甲仗百人入殿義熙元年正月毅等至江津破桓謙  
桓振江陵平三月甲子晉帝至自江陵庚子詔進帝侍中車騎將



軍都督中外諸軍錄尚書事帝固讓旋鎮丹徒九月乙巳加帝領  
兗州刺史盧循浮海破廣州獲刺史吳隱之卽以循爲廣州刺史  
以其黨徐道覆爲始興相二年三月進帝督交廣二州十月論匡  
復勲封帝豫章郡公邑萬戶賜絹三萬疋其餘封賞各有差三年  
十二月司徒錄尚書揚州刺史王謐薨四年正月徵帝入輔授侍  
中車騎將軍開府儀同三司揚州刺史錄尚書事徐兗二州刺史  
如故表解兗州先是帝遣冠軍劉敬宣伐蜀賊譙縱無功而還九  
月帝以敬宣挫退遜位不許十月乃降爲中軍將軍開府如故五  
年二月僞燕王慕容超大掠淮北三月帝抗表北討以丹陽尹孟  
昶監中軍留府事乃浮淮入泗五月至下邳留船步軍進琅邪所  
過築城留守超大將公孫五樓請斷大峴堅壁清野以待超不從  
初謀是役議者以爲賊若嚴守大峴軍無所資何能自反帝曰不

然鮮卑性貪略不及遠旣幸其勝且愛其穀必將引我且亦輕戰  
師一入峴吾何患焉及入峴帝舉手指天曰吾事濟矣衆問其故  
帝曰師旣過險士有必死之志餘糧栖畝軍無匱乏之憂勝可必  
矣六月超留羸老守廣固使其廣寧王賀剌盧及公孫五樓悉力  
據臨朐去城四十里有巨蔑水超告五樓急據之比至爲龍驤將  
軍孟龍符所保五樓乃退大軍分車四千兩爲二翼方軌徐行車  
張幟御者執稍以騎爲游軍軍令嚴肅比及臨朐賊騎交至帝命  
兗州刺史劉藩并州刺史劉道憐等陷其陣日向昃戰猶酣帝用  
參軍胡藩策襲剌臨朐賊乃大奔超遁還廣固獲其玉璽豹尾輦  
等送于都丙子剌廣固大城超固其小城乃設長圍以守之館穀  
於青土停江淮轉輸七月超尚書郎張綱乞師于姚興自長安反  
太山太守申宣執送之綱有巧思先是帝修攻具城上人曰汝不



得張綱何能爲也及至升諸樓車以示之城內莫不失色超旣求  
救不獲綱反見虜乃求稱藩割大峴爲界獻馬千疋不聽時姚興  
遣使聲言將涉淮左帝謂曰爾報姚興我定青州將過函谷虜能  
自送今其時矣錄事參軍劉穆之遽入曰此言不足威敵容能怒  
彼若鮮卑未拔西羌又至公何以待之帝乃笑曰此兵機也非子  
所及羌若能救不有先聲是自彊也十月張綱進攻具成設飛樓  
縣梯木幔板屋冠以牛皮弓矢無所用之劉毅遣上黨太守趙恢  
以千餘人來援帝夜潛遣軍會之明旦恢衆五千方道而進每晉  
使將到輒復如之六年二月丁亥屠廣固超踰城走追獲之斬于  
建康市殺其王公以下納生口萬餘馬二千疋初帝之北也徐道  
覆勸盧循乘虛而出循不從道覆乃至番禺說循曰今日之機萬  
不可失若剋京都劉公雖還無能爲也循從之是月寇南康廬陵

豫章諸郡郡守皆奔走時帝將鎮下邳進兵河洛及徵使至卽日  
班師鎮南將軍何無忌與道覆戰敗死於豫章內外震駭朝議欲  
奉乘輿北走帝次山陽聞敗卷甲與數十人造江上徵問知賊尚  
未至四月癸未帝至都劉毅自表南征帝以賊新捷鋒銳須嚴軍  
偕進使劉藩止之毅不從五月壬午盧循敗毅于桑落洲及審帝  
凱入相視失色欲還尋陽平江陵據二州以抗朝廷道覆請乘勝  
遂下爭之旬日乃從于時北師始還傷痍未復戰士纔數千賊衆  
十餘萬舳艫亘千里孟昶諸葛長人懼欲擁天子過江帝曰今兵  
士雖少猶足一戰若其剋濟臣主同休如其不然不復能草間求  
活吾計決矣初帝征慕容超惟孟昶勸行丙辰昶乃表天子引罪  
仰藥而死時議者欲分兵屯守諸津帝曰賊衆我寡分其兵則測  
人虛實一處失利則阻三軍之心若聚衆石頭則衆力不分戊午



帝移鎮石城乙丑賊大至帝曰賊若新亭直上且將避之若回泊蔡洲成禽耳徐道覆欲自新亭焚舟而戰循多疑少決每求萬全乃泊蔡洲以待軍潰帝登石頭以望見之悅庚辰賊設伏於南岸疑兵向白石帝率劉毅諸葛長人北拒焉留參軍徐赤特戍查浦戒令勿戰帝既北賊焚查浦而至張侯橋赤特與戰大敗賊進屯丹陽尹帝馳還石頭斬徐赤特解甲久之乃出陣於南塘七月庚申循自蔡洲退將還尋陽帝遣輔國將軍王仲德等追之使建威將軍孫處自海道襲番禺戒之曰我十二月必破祇寇卿亦足至番禺先傾其巢窟也十月帝率舟師南伐使劉毅監太尉留府是月徐道覆寇江陵荊州刺史劉道規大破之道覆走還湓口十一月孫處至番禺剋其城盧循父嘏奔始興處撫其人以守十二月己卯大軍次大雷庚辰賊方江而下帝躬提幡鼓命衆軍齊力

擊之軍中多萬鈞神弩所至莫不摧陷帝自於中流蹙之因風水之勢賊艦悉薄西岸岸上軍先備火具焚之大敗循還尋陽遂走豫章悉力柵左里丙申大軍次左里將戰帝麾之麾竿折幡沈于水衆咸懼帝笑曰昔覆舟之役亦如此今勝必矣攻其柵循單舸走衆皆降師旋晉帝遣侍中黃門勞師于行所七年正月己未振旅而歸改授大將軍揚州牧給班劍二十人本官並如故固辭凡南北征伐戰亡者並列上賻贈屍喪未返者遣主帥迎接致還本土二月盧循至番禺爲孫處所破收餘衆南走劉藩孟懷玉斬徐道覆于始興自晉中興以來朝綱弛紊權門兼并百姓流離不得保其產業桓玄頗欲釐改竟不能行帝既作輔大示軌則豪彊肅然遠近禁止至是會稽餘姚唐亮復藏匿亡命千餘人帝誅亮免會稽內史司馬休之晉帝又申前詔帝固辭於是改授大尉中書



監乃受命奉送黃鉞交州刺史杜惠度斬盧循父子函七首送都  
先是諸州郡所遣秀才孝廉多非其人帝乃表申明舊例策試之  
荆州刺史劉道規疾患求歸八年四月改授豫州刺史以豫州刺  
史劉毅代之毅既有雄才大志與帝俱興復晉室自謂京城廣陵  
功足相抗雖權事推帝而心不服也厚自矜許朝士素望者並多  
歸之與尚書僕射謝混丹陽尹郗僧施並深相結及鎮江陵豫州  
舊府多割以自隨請僧施爲南蠻校尉帝知毅終爲異端心密圖  
之毅至西稱疾篤表求從弟兗州刺史藩以爲副貳帝僞許焉九  
月藩入朝帝命收藩及謝混並賜死自表討毅又假黃鉞率諸軍  
西征以前鎮軍將軍司馬休之爲平西將軍荆州刺史兗州刺史  
道憐鎮丹徒豫州刺史諸葛長人監太尉留府事加太尉司馬丹  
陽尹劉穆之建威將軍配以實力壬午發建鄴遣參軍王鎮惡龍

驥將軍蒯恩前襲江陵尅之毅及黨與皆伏誅十一月帝至江陵  
分荆州十郡爲湘州帝仍進督焉以西陵太守朱齡石爲益州刺  
史使伐蜀晉帝進帝太傅揚州牧加羽葆鼓吹班劍二十人九年  
二月乙丑帝至自江陵初諸葛長人貪淫驕橫帝每優容之劉毅  
旣誅長人謂所親曰昔年醢彭越今年殺韓信禍其至矣將謀作  
亂帝尅期至都而每淹留不進公卿以下頻日奉候於新亭長人  
亦驟出旣而帝輕舟密至已還東府矣長人到門引前却人閑語  
凡平生言所不盡者皆與及之長人甚悅帝已密命左右丁旡自  
幔後出於坐拉焉死於牀側輿屍付廷尉并誅其弟黎人旡驍勇  
有力時人語曰勿跋扈付丁旡先是山湖川澤皆爲豪彊所奪百  
姓薪採漁釣皆責稅直至是禁斷之時人居未一帝上表定制於  
是依界土斷惟徐兗青三州居晉陵者不在斷例諸流寓郡縣多



所併省以帝領鎮西將軍豫州刺史帝固讓太傅揚州牧及班劔  
奉還黃鉞七月朱齡石平蜀斬譙縱傳首建鄴九月晉帝以帝平  
齊定盧循功封帝次子義真爲桂陽縣公并重申前命授帝太傅  
揚州牧加羽葆鼓吹班劔二十人將吏百僚敦勸乃受羽葆鼓吹  
班劔餘固辭十年息人簡役築東府城起府舍帝以荊州刺史司  
馬休之宗室之重又得江漢人心疑其有異志而休之子譙王文  
思在都招聚輕俠帝執送休之令自爲其所休之表廢文思并與  
帝書陳謝十一年正月帝收休之子文寶兄子文祖並賜死率衆  
西討復加黃鉞領荊州刺史以中軍將軍道憐監留府事休之上  
表自陳并罪狀帝休之府錄事參軍韓延之有幹用帝未至江陵  
密書招之延之報書曰承親率戎馬遠履西偏闔境士庶莫不惶  
駭辱疏知以譙王前事良增歎息司馬平西體國忠貞欵懷待物

以公有匡復之勲家國蒙賴推德委誠每事詢仰譙王往以微事  
見劾猶自表遜位況以大過而當默邪來示云處來期物自有由  
來今伐人之君啗人以利真可謂處懷期物者矣劉藩死於闔闔  
之門諸葛斃於左右之手甘言託方伯襲之以輕兵遂使席上靡  
欵懷之士聞外無自信諸侯以爲得算良所恥也吾雖鄙劣嘗聞  
道於君子以平西之至德寧可無授命之臣乎假天長喪亂九流  
渾濁當與臧洪游於地下不復多云帝視書歎息以示將佐曰事  
人當如此三月軍次江陵初雍州刺史魯宗之負力好亂且慮不  
爲帝容常爲讖曰魚登日輔帝室與休之相結至是率其子竟陵  
太守軌會于江陵帝濟江休之衆潰與軌等奔襄陽江陵平加領  
南蠻校尉將拜南蠻遇四廢日佐史鄭解之等白遷日不許下書  
開寬大之恩四月進軍襄陽休之等奔姚興晉帝復申前令授太



傳揚州牧劔履上殿入朝不趨讚拜不名加前部羽葆鼓吹置左  
右長史司馬從事中郎四人封第三子義隆爲北彭城縣公八月  
甲子帝至自江陵奉還黃鉞固辭太傅州牧前部羽葆鼓吹其餘  
受命十二年正月晉帝詔帝依舊辟士加領平北將軍兗州刺史  
增督南秦凡二十二州帝以平北文武寡少不宜別置於是罷平  
北府以併大府三月加帝中外大都督初帝平齊仍有定關洛意  
遇盧循侵逼故寢及荆雍平乃謀外略會姚興死子泓新立兄弟  
相殺關中擾亂四月乙丑帝表伐關洛乃戒嚴北討加領征西將  
軍司豫二州刺史以世子爲徐兗二州刺史帝以義聲懷遠奉琅  
邪王北伐五月盧江霍山崩獲六鐘獻之天子癸巳加領北雍州  
刺史前後部羽葆鼓吹增班劔爲四十人八月乙巳率大衆進發  
以世子爲中軍將軍監太尉留府事尚書右僕射劉穆之爲左僕

射領監軍中軍二府軍司人居東府總攝內外九月帝至彭城加  
領北徐州刺史十月衆軍至洛圍金墉降之修復晉五陵置守衛  
十二月壬申晉帝加帝位相國總百揆揚州牧封十郡爲宋公備  
九錫之禮加璽紱遠遊冠綠綬綬位在諸侯王上策曰朕以寡昧  
仰纘洪基夷羿乘釁蕩覆王室越在南鄙遷于九江宗祀絕饗人  
神無位提挈羣凶寄命江浦則我祖宗之烈奄墜于地七百之祚  
剪焉旣傾若涉巨海罔知攸濟天未絕晉誕育英輔振厥弛維再  
造區寓興亡繼絕俾昏作明元勳至德朕實攸賴今將授公典策  
其敬聽朕命乃者桓玄肆僭滔天泯夏拔本塞源顛蹶六位庶僚  
俛眉四方莫恤公精貫朝日氣陵虹蜺奮其靈武大殲羣慝尅復  
皇邑奉歆神祇此公之大節始於勤王者也授律羣后順流長驚  
薄伐崢嶸獻捷南郢大憝折首羣逆畢夷三光旋采舊物反正此



又公之功也出藩入輔弘茲保邦阜財利用繁殖黎元編戶歲滋  
疆宇日啟導德明刑四境有截此又公之功也鮮卑負衆僭盜三  
齊介恃遐阻仍爲邊害公蒐乘秣馬曼入遠疆衝櫓四臨萬雉俱  
潰拓土三千申威龍漠此又公之功也盧循祆凶伺隙五嶺侵覆  
江豫矢及王城國議遷都之規家獻徙卜之計公乘輿南濟義形  
于色運奇攄略英謨不世狡寇窮衄喪旗宵遁俾我畿甸拯於將  
墜此又公之功也追奔逐北揚旂江濱偏旅浮海指日適至番禺  
之功俘級萬數左里之捷鳥散魚潰元凶遠竄傳首萬里此又公  
之功也劉毅叛換負釁西夏陵上周主志肆姦暴公禦軌以刑消  
之不日罪人斯得荆衡寧晏此又公之功也譙縱怙亂寇竊一隅  
王化阻閱三巴淪溺公指命偏帥授以良圖陵波憑湍致屆井絡  
僭豎伏鑽梁岷草偃此又公之功也馬休魯宗阻兵內侮驅率二

方連旗稱亂公投袂星言研其上略江津之師勢踰風電回旆汚  
川寔繁震懾二叛奔迸荆雍來蘇此又公之功也永嘉不競四夷  
擅華五都傾蕩山陵幽辱宗祖懷沒世之憤遺賫有匪風之思公  
遠齊阿衡納隍之仁近同小白滅亡之恥鞠旅陳師赫然大號分  
命羣帥北徇司克許鄭風靡鞏洛載清百年榛穢一朝掃滌此又  
公之功也公有康宇內之勲重之以明德爰初發跡則奇謨冠古  
電擊疆祆則鋒無前對聿寧東畿大造黔首若乃草昧經綸化融  
於歲計扶危靜亂道固於包桑蠲削煩苛較若畫一淳風美化盈  
塞區寓是以絕域獻琛遐夷納賚王略所亘九服率從雖文命之  
東漸西被咎繇之邁于種德何以尚茲朕聞先生之宰世也庸勲  
尊賢建侯胙土褒以寵章崇其微物所以協輔皇室永隆藩屏故  
曲阜光啟遂荒徐宅營丘表海四履有聞其在襄王亦賴匡霸又



命晉文備物光賜惟公道冠前烈勳高振古而殊典未飾朕甚惜焉今進授相國以徐州之彭城沛蘭陵下邳淮揚山陽廣陵兗州之高平魯泰山十郡封公爲宋公錫茲玄土苴以白茅爰定爾居用建冢社昔晉鄭啟藩入作卿士周召保傅出總二南內外之任公實兼之今命使持節兼太尉尚書左僕射晉寧縣五等男湛授相國印綬宋公璽紱使持節兼司空散騎常侍尚書陽遂鄉侯泰授宋公茅土金虎符第一至第五左竹使符第一至第十左相國位無不總禮絕朝班居常之名宜與事革其以相國總百揆去錄尚書之號上送所假節侍中貂蟬中外都督太傅太尉印綬豫章公印策進揚州刺史爲牧領征西將軍司豫北徐雍四州刺史如故公紀綱禮度萬國是式乘介路方罔有遷志是用錫公大路戎路各一玄牡二駟公抑末敦本務農重積米繁寔殷稼穡惟阜是

用錫公袞冕之服赤舄副焉公閑邪納正移風改俗陶鈞品物如樂之和是用錫公軒縣之樂八佾之舞公宣美王化導揚休風華夷企踵遠人胥萃是用錫公朱戶以居公官方任能網羅幽滯九臯辭野髦士盈朝是用錫公納陛以登公當軸處中率下以義式遏寇讎滌除苛慝是用錫公虎賁之士三百人公明罰恤刑庶獄詳允放命于紀罔有攸縱是用錫公鈇鉞各一公龍驤鳳矯咫尺八紘括囊四海折衝無外是用錫公彤弓一彤矢百旅弓十旅矢千公溫恭孝思致虔禋祀忠肅之志儀刑四方是用錫公鉅鬯一卣圭瓚副焉宋國置丞相以下一遵舊儀欽哉其祗服徃命茂對天休簡恤庶邦敬敷顯德以終我高祖之嘉命置宋國侍中黃門侍郎尚書左丞相大使奉迎抱罕虜乞伏熾盤遣使謁帝求効力討姚泓拜爲平西將軍河南公十三年正月帝以舟師進討留彭



城公義隆鎮彭城軍次陳留城經張良廟下令以時修飾棟宇致薦焉晉帝追贈帝祖爲太常父爲特進左光祿大夫讓不受二月冠軍將軍檀道濟等軍次潼關三月庚辰帝率大軍入河五月帝至洛陽謁晉五陵七月至陝龍驤將軍王鎮惡舟師自河浮渭八月扶風太守沈田子大破姚泓軍於藍田王鎮惡尅長安禽姚泓始義熙九年歲鎮熒惑太白聚東井至是而關中平九月帝至長安長安豐稔帑藏盈積帝先收其彝器渾儀土圭記里鼓指南車及秦始皇玉璽送之都其餘珍寶珠玉悉以班賜將帥遷姚宗于江南送泓斬于建康市謁漢長陵大會文武於未央殿十月晉帝詔進宋公爵爲王加十郡益宋國並前爲二十郡其相國揚州牧領征西將軍司豫北徐雍四州刺史如故帝欲息駕長安經略趙魏十一月前將軍劉穆之卒乃歸十二月庚子發自長安以桂陽

公義真爲雍州刺史鎮長安留腹心將佐以輔之十四年正月壬戌帝至彭城解嚴息甲以輔國將軍劉遵考爲并州刺史領河東太守鎮蒲坂帝解司州領徐冀二州刺史固讓進爵時漢中成固縣漢水崖際有異聲如雷俄頃岸崩有銅鐘十二出自潛壤鞏縣人宗曜於其田所獲嘉禾九穗同莖帝以獻晉帝以歸于我帝冲讓乃止六月丁亥受相國宋公九錫之命下令赦國內殊死以下詔崇豫章太夫人爲宋公太妃世子爲中軍將軍副貳相國府百官悉依天朝之制又詔宋國所封十郡之外悉得除用先是安西中兵參軍沈田子殺安西司馬王鎮惡諸將殺安西長史王修關中亂十月帝遣右將軍朱齡石代安西將軍桂陽公義真爲雍州刺史義真還爲赫連勃勃所追大敗僅以身免諸將帥及齡石並沒十二月晉安帝崩大司馬琅邪王卽帝位元熙元年正月晉帝



詔徵帝入輔又申前令進公爵爲王以徐州之海陵北東海北譙北梁豫州之新蔡竟州之北陳留司州之陳郡汝南潁川滎陽十郡增宋國七月乃受命赦國內五歲刑以下遷都壽陽九月解揚州十二月晉帝命帝冕十有二旒建天子旌旗出警入蹕乘金根車駕六馬備五時副車置旄頭雲罕樂舞八佾設鍾虡宮縣進王太妃爲太后王妃爲王后世子爲太子王子王孫爵命之號一如舊儀二年正月帝表讓殊禮竟陵郡江濱自開出古銅禮器十餘枚帝獻之晉帝讓不受於是歸諸瑞物藏於相府四月詔遣敦勸兼徵帝入輔六月壬戌帝至都甲寅晉帝禪位於宋有司草詔旣成請書之天子卽便操筆謂左右曰桓玄之時天命已改重爲劉公所延將二十載今日之事本所甘心甲子遣使奉策曰咨爾宋王夫玄古權輿悠哉邈矣其詳靡得而聞爰自書契降逮三五莫

不以上聖君四海止戈定大業然則帝王者宰物之通器君道者天下之至公也昔在上葉深鑒茲道是以天祿旣終唐虞弗得傳其嗣符命來格舜禹不獲全其謙所以經緯三才澄序彙化作範振古垂風萬葉莫尚於茲自是厥後歷代彌劭漢旣嗣德於放勛魏亦方軌於重華諒以協謀乎人鬼而以百姓爲心者也昔我祖宗欽明辰居其極而明晦代序盈虧有期剪商兆禍非惟一世曾是弗尅矧伊在今天之所廢有自來矣惟王體上聖之姿包二儀之德明齊日月道合四時乃者社稷傾覆王拯而存之中原蕪梗又濟而復之自負固不賓干紀放命肆逆滔天竊據萬里靡不潤之以風雨震之以雷霆九伐之道旣敷八法之化自理豈伊博施於人濟斯黔庶固已義洽四海道盛八荒者矣至於上天垂象四靈効徵圖讖之文旣明人神之望已改百工歌於朝庶人頌乎野



億兆抃踊傾佇惟新自非百姓樂推天命攸集豈伊在予所得獨專是用仰祇皇靈俯順羣議敬禪神器授帝位于爾躬大祚其窮天祿永終於戲王其允執其中敬遵典訓副率土之嘉願恢洪業於無窮時膺休祐以答三靈之眷望又遣使持節兼太保散騎常侍光祿大夫謝澹兼太尉尚書劉宣範奉璽書歸皇帝璽綬受終之禮一如唐虞漢魏故事帝奉表陳讓晉帝已遜於琅邪王第表不獲通於是陳留王虔嗣等二百七十人及宋臺羣臣並上表勸進猶不許太史令駱達陳天文符應曰案晉義熙元年至元熙元年太白晝見經天凡七占曰太白經天人更主異姓興義熙七年五虹見于東方占曰五虹見天子黜聖人出九年鎮星歲星太白熒惑聚于東井十三年鎮星入太微占曰鎮星守太微有立王有徙王元熙元年冬黑龍四登于天易傳曰冬龍見天子亡社稷大

人受命與州道人釋法稱告其弟子曰嵩神言江東有劉將軍漢家苗裔當受天命吾以璧三十二鎮金一餅與之劉氏卜世之數也漢建武至建安末一百九十六年而禪魏魏自黃初至咸熙末四十六年而禪晉晉自太始至今百五十六年三代揖讓咸窮于六又漢光武社于南陽漢末而其樹死劉備有蜀廼應之而興及晉季年舊根始萌至是而盛矣若此者有數十條羣臣又固請乃從之

永初元年夏六月丁卯皇帝卽位於南郊設壇柴燎告天曰皇帝臣裕敢用玄牡昭告於皇皇后帝晉以卜世告終歷數有歸欽若景運以命于裕夫樹君宰世天下爲公德充帝王樂推攸集越俶唐虞降暨漢魏靡不以爲上哲格文祖元勳陟帝位故能大拯黔首垂訓無窮晉自東遷四維不振宰輔焉依爲日已久難棘隆安



禍成元興遂至帝主遷播宗祀堙滅裕雖地非齊晉衆無一旅仰  
憤時難俯悼橫流投袂一起則皇祀尅復及危而能持顛而能扶  
姦宄具殲僭偽亦滅誠興廢有期否終有數至於大造晉室撥亂  
濟時因藉時來寔尸其重加以殊俗慕義重譯來庭正朔所暨咸  
服聲教至乃三靈垂象山川告祥人神協祉歲月滋著是以羣公  
卿士億兆夷人僉曰皇靈降鑒于上晉朝欵誠于下天命不可以  
久淹宸極不可以暫曠遂逼羣議恭茲大禮猥以寡德託于兆人  
之上雖仰畏天威略是小節顧探永懷祇懼若實敬簡元日升壇  
受禪告類上帝用酬萬國之情克隆天保永祚于有宋惟明靈是  
饗禮畢備法駕幸建康宮臨太極前殿大赦改元賜人爵一級鰥  
寡孤獨不能自存者人穀五斛逋租宿責勿收其犯鄉論清議賊  
汙淫盜一皆蕩滌長徒之身特皆原遣亡官失爵禁錮奪勞一依

舊準封晉帝爲零陵王全食一部載天子旌旗乘五時副車行晉  
正朔郊祀天地禮樂制度皆用晉典上書不爲表啓表不稱詔宮  
于故秣陵追尊皇考爲孝穆皇帝妣爲穆皇后尊王太后爲皇太  
后詔曰夫微禹之感歎深後昆愛人懷樹猶或勿剪雖在異代義  
無廢絕降殺之儀一依前典可降始興公爲縣公廬陵公爲柴桑  
縣公始安公爲荔浦縣侯長沙公爲醴陵縣侯康樂公卽降爲縣  
侯奉王導謝安溫嶠陶侃謝玄之祀其宣力義熙者一仍本秩庚  
午以司空道憐爲太尉封長沙王位南海公義慶爲臨川王又詔  
論戰亡追贈及酬賞除復之科乙亥封王子桂陽公義真爲廬陵  
王彭城公義隆爲宜都王義康爲彭城王丁丑使使巡行四方旌  
賢舉善問人疾苦獄訟虧濫政刑乖愆傷化優俗未允人聽者皆  
具以聞戊寅詔增百官奉已卯改晉恭始歷爲永初歷社以子臘



以辰秋七月丁亥原放劫賊餘口沒在臺府者諸流徙之家並聽還本又以市稅繁苦優量減降從征關洛殞身不反者贍賜其家已丑陳留王曹虔嗣薨辛卯復置五校三將官增殿中將軍員二十人餘在員外戊戌征西大將軍開府儀同三司楊盛進號車騎大將軍甲辰鎮西將軍李歆進號征西大將軍平西將軍乞伏熾盤進號安西大將軍征東將軍高句麗王高璉進號征東大將軍鎮東將軍百濟王扶餘映進號鎮東大將軍置東宮冗從僕射旅賁中郎將官戊申遷神主於太廟車駕親奉土子詔改權制率從寬簡八月辛酉詔舊郡縣以北爲名者悉除之寓立於南者聽以南爲號戊辰詔曰彭城桑梓敦本斯隆宜同豐沛其沛郡下邳各復租布三十年辛未追謚妃臧氏爲敬皇后陵曰永寧癸酉立王太子義符爲皇太子乙亥赦見罪人閏月壬午置晉帝諸陵守衛

其名賢先哲詳加灑掃丁酉林邑國遣使朝貢九月壬子置東宮殿中將軍十人員外二十人壬申置都官尚書是歲魏明元皇帝太常五年西涼亡

二年春正月辛酉祀南郊大赦丙寅斷金銀塗以揚州刺史廬陵王義真爲司徒以尚書僕射徐羨之爲尚書令揚州刺史已卯禁喪事用銅釘罷會稽郡府二月己丑策試州郡秀孝于延賢堂倭國遣使朝貢三月乙丑初限荊州府置將不得過二千人吏不得過一萬人州置將不得過五百人吏不得過五千人兵士不在此限夏四月己卯初禁淫祀除諸房廟其先賢以勲德立祠者不在此例戊辰聽訟於華林園五月乙酉置東宮屯騎步兵翊軍三校尉官秋七月己巳地震九月己丑零陵王殂宋志也車駕率百僚臨于朝堂三日如魏明帝服山陽公故事使兼太尉持節護喪事



葬以晉禮冬十月己亥以涼州胡帥大且渠蒙遜爲鎮軍大將軍  
開府儀同三司涼州刺史十一月辛亥葬晉恭皇帝于沖平陵車  
駕率百官瞻送

三年春正月甲辰朔詔刑罪無輕重悉原之癸丑以尚書令揚州  
刺史徐羨之爲司空錄尚書事刺史如故進江州刺史王弘衛將  
軍開府儀同三司以太子詹事傅亮爲尚書僕射二月丙戌有星  
孛于虛危三月上不豫太尉長沙王道憐司空徐羨之尚書僕射  
傅亮領軍將軍謝晦護軍將軍檀道濟並入侍醫藥羣臣請祈禱  
神祇上不許惟使侍中謝方明以疾告廟而已丁未以廬陵王義  
真爲侍中車騎將軍開府儀同三司南豫州刺史己未上疾瘳大  
赦夏四月乙亥封仇池公楊盛爲武都郡王五月上疾甚召太子  
戒之曰檀道濟雖有幹略而無遠志非如兄詔有難御之氣徐羨

之傅亮當無異圖謝晦常從征伐頗識機變若有異同必此人也  
小却可以會稽江州處之又爲手詔朝廷不須復有別府宰相帶  
揚州可置甲士千人若大臣中任要宜有爪牙以備不祥人者可  
以臺見留隊給之有征討悉配以臺見軍隊行還復舊後世若有  
幼主朝事一委任宰相母后不煩臨朝仗旣不許入臺殿門要重  
人可詳給班劔癸亥上崩于西殿時年六十七月己酉葬丹陽建  
康縣蔣山初寧陵羣臣上謚曰武皇帝廟號高祖上清簡寡欲嚴  
整有法度未嘗視珠玉輿馬之飾後庭無統綺絲竹之音初朝廷  
未備音樂長史殷仲文以爲言帝曰日不暇給且所不解仲文曰  
屢聽自然解之帝曰政以解則好之故不習耳寧州嘗獻虎魄枕  
光色甚麗價盈百金時將北伐以虎魄療金創上大悅命碎分賜  
諸將平關中得姚興從女有盛寵以之廢事謝晦諫卽時遣出財



帛皆在外府內無私藏宋臺建有司奏東西堂施局脚牀金塗釘  
上不許使用直脚牀釘用鐵廣州嘗獻入筒細布一端八文帝惡  
其精麗勞人卽付有司彈太守以布還之并制嶺南禁作此布帝  
素有熱病并患金創末年尤劇坐臥常須冷物後有人獻石牀寢  
之極以爲佳乃歎曰木牀且費而況石耶卽令毀之制諸王出適  
遣送不過二十萬無錦繡金玉內外奉禁莫不節儉性尤簡易嘗  
著連齒木屐好出神武門內逍遙左右從者不過十餘人時徐羨  
之任西州嘗思羨之便步出西掖門羽儀絡繹追隨已出西明門  
矣諸子且問起居入閣脫公服止著裙帽如家人之禮焉徵時躬  
耕于丹徒及受命耨耜之具頗有存者皆命藏之以留於後及文  
帝幸舊宮見而問焉左右以實對文帝色慙有近侍進曰大舜躬  
耕歷山伯禹親事土木陛下不覩列聖之遺物何以知稼穡之艱  
難何以知先帝之至德乎及孝武大明中壞上所居陰室於其處  
起玉燭殿與羣臣觀之牀頭有土障壁上挂葛燈籠麻繩拂侍中  
袁顛盛稱上儉素之德孝武不答獨曰田舍公得此以爲過矣故  
能光有天下克成大業盛矣哉

少帝諱義符小字車兵武帝長子也母曰張夫人晉義熙二年生  
帝於京口時武帝年踰不惑尚未有男及帝生甚悅年十歲拜豫  
章公世子帝膂力絕人善騎射解音律宋臺建拜宋世子元熙元  
年進爲宋太子武帝受禪立爲皇太子永初三年五月癸亥武帝  
崩是日太子卽皇帝位大赦制服三年尊皇太后曰太皇太后六  
月壬申以尚書僕射傅亮爲中書監尚書令司空徐羨之領軍將  
軍謝晦及亮輔政戊子太尉長沙王道憐薨秋九月丁未有司奏  
武皇帝配南郊武敬皇后配北郊冬十一月戊午有星孛於營室



十二月庚戌魏軍尅滑臺

景平元年春正月己亥朔大赦改元文武賜位二等辛丑祀南郊  
魏軍攻金墉城癸卯河南郡失守乙卯有星孛於東壁二月丁丑  
太皇太后崩鎮軍大將軍大且渠蒙遜河南鮮卑吐谷渾阿豺並  
遣使朝貢庚辰進蒙遜驃騎大將軍封河西王以阿豺爲安西將  
軍沙州刺史封澆河公三月壬寅孝懿皇后祔葬於興寧陵是月  
高麗國遣使朝貢夏閏四月己未魏軍尅虎牢秋七月癸酉尊所  
生張夫人爲皇太后丁丑赦五歲刑以下冬十月己未有星孛於  
氏是歲魏明元皇帝崩

二年春二月己卯朔日有蝕之廢南豫州刺史廬陵王義真爲庶  
人徙新安郡乙巳大風天有雲五色占者以爲有兵執政使使者  
誅皇弟義真于新安高麗國遣使朝貢時帝居處所爲多乖戾夏  
五月己酉皇太后令暴帝過惡廢爲營陽王一依漢昌邑晉海西  
故事奉迎鎮西將軍宜都王義隆入篡皇統始徐羨之傅亮將廢  
帝諷王弘檀道濟求赴國計弘等來朝使中書舍人邢安泰潘盛  
爲內應是旦道濟謝晦領兵居前羨之等隨後因東掖門開入自  
雲龍門盛等先戒宿衛莫有禦者時帝於華林園爲列肆親自酤  
賣又開瀆聚土以象破岡埭與左右引船唱呼以爲歡樂夕遊天  
泉池卽龍舟而寢其朝未興兵士進殺二侍者於帝側傷帝指扶  
出東閣就收璽綬羣臣拜辭送于東宮遂幽于吳郡是日赦死罪  
以太后令奉還璽綬檀道濟入守朝堂六月癸丑徐羨之等使中  
書舍人邢安泰弒帝於金昌亭帝有勇力不卽受制突走出昌門  
追以門開踏之致殞時年十九

論曰晉自社稷南遷王綱弛紊朝權國命遞歸台輔君道雖存主



威父謝桓温雄才蓋世勲高一時移鼎之業已成天人之望將改自斯以後帝道彌昏道子開其禍端元顯成其釁末桓玄乘時藉運加以先資革命受終人無異望宋武地非齊晉衆無一旅曾不浹旬夷凶剪暴誅內清外功格上下若夫樂推所歸謳歌所集校之魏晉可謂收其實矣然武皇將涉知命弱嗣方育顧有慈顏前無嚴訓少帝體易淅之質稟可下之姿外物莫犯其心所欲必從其志嶮縱非學而能危亡不期而集其至顛沛非不幸也悲哉

南史卷一 宋本紀上第一 終

藝文四庫

南史卷二

藝文四庫

宋本紀中第二

文帝

孝武帝

前廢帝

太祖文皇帝諱義隆小字車兒武帝第三子也晉義熙三年生於京口十一年封彭城縣公永初元年封宜都郡王位鎮西將軍荆州刺史加都督時年十四長七尺五寸博涉經史善隸書是歲來朝會武帝當聽訟仍遣上訊建康獄囚辯斷稱旨武帝甚悅景平初有黑龍見西方五色雲隨之二年江陵城上有紫雲望氣者皆以爲帝王之符當在西方其年少帝廢百官議所立徐羨之傅亮等以禎符所集備法駕奉迎入奉皇統行臺至江陵尚書令傅亮



奉表進璽絃州府佐吏並稱臣請題榜諸門一依宮省上皆不許  
教州府國紀綱宥所統內見刑是司空徐羨之等新有弑害及鑿  
駕西迎人懷疑懼惟長史王曇首司馬王華南蠻校尉到彥之共  
期朝臣未有異志帝曰諸公受遺不容皆貳且勞臣舊將內外充  
滿今兵力又足以制物夫何所疑甲戌乃發江陵命王華知州府  
留鎮陝西令到彥之監襄陽車駕在道有黑龍躍負上所乘舟左  
右莫不失色上謂王曇首曰此乃夏禹所以受天命我何德以堪  
之及至都羣臣迎拜於新亭先謁初寧陵還次中堂百官奉璽絃  
沖讓未受勸請數四乃從之

元嘉元年秋八月丁酉皇帝卽位于中堂備法駕入宮御太極前  
殿大赦改元文武賜位二等戊戌拜太廟詔追復廬陵王先封奉  
迎靈柩辛丑謁臨川烈武王陵癸卯進司空徐羨之位司徒江州  
刺史王弘位司空尚書令傅亮左光祿大夫開府儀同三司甲申  
追尊所生胡婕妤爲章皇太后封皇弟義恭爲江夏王義宣爲竟  
陵王義季爲衡陽王己酉減荆湘二州今年稅布之半九月丙子  
立妃表氏爲皇后是歲魏太武皇帝始光元年

二年春正月丙寅司徒徐羨之尚書令傅亮奉表婦政上始親覽  
萬機辛未祀南郊大赦秋八月乙酉驃騎將軍南徐州刺史彭城  
王義康以本號開府儀同三司改授司空王弘車騎大將軍開府  
儀同三司冬十一月庚午以武都世子楊玄爲北秦州刺史襲封  
武都王是歲赫連屈丐死

三年春正月丙寅司徒徐羨之尚書令傅亮有罪伏誅遣中領軍  
到彥之征北將軍檀道濟討荊州刺史謝晦上親率六師西征大  
赦丁卯以江州刺史王弘爲司徒錄尚書事二月戊午以金紫光



祿大夫王敬弘爲尚書左僕射豫章太守鄭鮮之爲右僕射戊辰到彥之檀道濟大破謝晦於隱磯丙子車駕自蕪湖反旆巳卯禽晦於延頭送都伏誅夏五月乙未以征北將軍南兗州刺史檀道濟爲征南大將軍開府儀同三司江州刺史乙巳驃騎大將軍涼州牧大且渠蒙遜改爲車騎大將軍詔大使巡行四方觀省風俗丙午臨延賢堂聽訟自是每歲三訊秋旱且蝗冬十二月前吳郡太守徐佩之謀反伏誅

四年春正月乙亥朔曲赦建鄴百里內辛巳祀南郊二月乙卯行幸丹徒謁京陵三月丙子宴丹徒宮帝鄉父老咸與焉蠲丹徒今年租布原五歲刑以下丁亥車駕還宮戊子尚書右僕射鄭鮮之卒壬寅採富陽令諸葛闡議禁斷夏至日五絲命縷之屬夏五月都下疾疫遣使存問給醫藥死無家屬者賜以棺器六月癸卯朔

日有蝕之

五年春正月乙亥詔以陰陽愆序求讜言甲申臨玄武館閱武戊子都下大火遣使巡慰振恤夏六月庚戌司徒王弘降爲衛將軍開府儀同三司都下大水乙卯遣使檢行振贍十二月天竺國遣使朝貢是歲魏神麇元年大武皇帝伐赫連昌滅之乞伏熾盤死六年春正月辛巳祀南郊癸丑以荊州刺史彭城王義康爲司徒錄尚書事三月丁巳立皇子劭爲皇太子戊午大赦賜文武位一等夏四月癸亥以尚書左僕射王敬弘爲尚書令丹陽尹臨川王義慶爲尚書左僕射吏部尚書江夷爲右僕射五月壬辰朔日有蝕之秋七月百濟國遣使朝貢冬十一月巳丑朔日有蝕之星晝見十二月西河河南國並遣使朝貢

七年春二月壬戌雪且雷三月戊子遣左將軍到彥之侵魏夏六



月巳卯封氏楊難當爲武都王冬十月戊午立錢署鑄四銖錢戊寅魏尅金墉城十一月癸未又尅武牢壬辰遣征南大將軍檀道濟拒魏右將軍到彥之自滑臺奔退十二月都下火延燒于太社北墻是歲馮跋死倭百濟呵羅單林邑呵羅他師子等國並遣使朝貢吳興晉陵義興大水遣使巡行振恤

八年春二月辛酉魏尅滑臺癸酉檀道濟引軍還自是河南復亡三月大雩夏六月乙丑大赦旱故又大雩閏六月乙巳遣使省行獄訟簡息徭役

九年春二月辛卯詔曰故太傅長沙景王故大司馬臨川烈武王故司徒南康文宣公穆之衛將軍華容公弘征南大將軍永修公道濟故左將軍陽侯鎮惡或履道廣深執德冲邈或雅量高劭風鑒明遠或識準弘正才略開邁咸文德以弘帝載武功以隆景

業而太常未銘從祀闕享寤寐屬慮永言興懷便宜配祭廟庭勅功天府三月庚戌進衛將軍王弘爲太保丁巳加江州刺史檀道濟爲司空夏五月壬申新除太保王弘薨六月癸未置積射强弩將軍官乙未以征西將軍沙州刺史吐谷渾慕瓚爲征西大將軍西秦河二州刺史隴西王壬寅以撫軍將軍江夏王義恭爲征北將軍開府儀同三司南兗州刺史秋七月庚午以領軍將軍殷景仁爲尚書僕射冬十二月庚寅立皇子紹爲廬陵王奉孝獻王祀江夏王義恭子朗爲南豐王奉營陽王祀是歲魏延和元年十年春正月甲寅改封竟陵王義宣爲南譙王巳未大赦夏林邑闍婆娑州訶羅單國並遣使朝貢秋七月戊戌曲赦益梁秦三州冬十一月氏楊難當據有梁州是月且渠蒙遜死十一年夏四月梁秦二州刺史蕭思話破氏梁州平五月丁卯曲



六南史二  
赦梁南秦二州劔閣以北戊寅以大且渠茂虔爲征西大將軍梁  
州刺史封西河王是歲林邑扶南訶羅單國並遣使朝貢  
十二年春正月辛酉大赦辛未祀南郊癸酉封馮弘爲燕王夏四  
月丙辰詔內外舉士都下地震六月禁酒師子國遣使朝貢丹陽  
淮南吳興義興大水都下乘船已酉以徐豫南兗三州會稽宣城  
二郡米穀百萬斛賜五郡遭水人秋七月辛酉闍婆娑達扶南國  
並遣使朝貢八月乙亥原除遭水郡諸逋負九月蜀賊張尋爲寇  
是歲魏太延元年

十三年春正月癸丑朔上有疾不朝會三月己未誅司空江州刺  
史檀道濟庚申大赦夏六月高麗武都等國並遣使朝貢秋七月  
己未零陵王太妃殂追崇爲晉皇后葬以晉禮九月癸丑立皇子  
濬爲始興王駿爲武陵王是歲馮弘奔高麗

十四年春正月辛卯祀南郊大赦戊戌鳳凰二見於都下衆鳥隨  
之改其地曰鳳凰里夏四月蜀賊張尋趙廣降遷之建鄴冬十二  
月辛酉初停賀雪河南西河訶羅單國並遣使朝貢

十五年春正月以平東將軍吐谷渾慕延爲鎮西將軍秦河二州  
刺史封隴西王秋七月辛未地震新作東宮是歲武都河南高麗  
倭扶南林邑等國並遣使朝貢立儒學館於北郊命雷次宗居之  
十六年春正月戊寅閱武於北郊庚寅進彭城王義康爲大將軍  
領司徒以開府儀同三司江夏王義恭爲司空夏六月己酉改封  
隴西王吐谷渾慕延爲河南王秋八月庚子立皇子鑠爲南平王  
九月魏滅且渠茂虔冬十二月乙亥皇太子冠大赦是歲武都河  
南林邑高麗等國並遣使朝貢上好儒雅又命丹陽尹何尚之立  
玄素學著作佐郎何承天立史學司徒參軍謝元立文學各聚門



徒多就業者江左風俗於斯爲美後言政化稱元嘉焉

十七年夏四月戊午朔日有蝕之秋七月壬子皇后袁氏崩八月徐兗青冀四州大水遣使振恤九月壬子葬袁皇后于長寧陵冬十月戊午前丹陽尹劉湛有罪伏誅大赦文武賜爵一級以大將軍領司徒錄尚書事彭城王義康爲江州刺史大將軍如故甲戌以司空江夏王義恭爲司徒錄尚書事十一月尚書僕射揚州刺史殷景仁卒十二月癸亥以光祿大夫王球爲尚書僕射戊辰武都河南百濟等國並遣使朝貢是歲魏太平眞君元年

十八年春三月庚子雨雹戊申置尚書刪定郎官夏五月壬午衛將軍南兗州刺史臨川王義慶征北將軍南徐州刺史南譙王義宣並開府儀同三司甲申河水汎溢害居人六月戊辰遣使巡行賑贍冬十一月戊子尚書僕射王球卒己亥以丹陽尹孟顛爲尚

書僕射氏楊難當寇漢川十二月晉寧太守爨松子舉兵反寧州刺史徐循討平之是歲河南肅特高麗蘇摩黎林邑等國並遣使朝貢

十九年夏四月甲戌上以久疾愈始奉初祠大赦五月庚寅梁秦二州刺史劉真道龍驤將軍裴方明破楊難當仇池平閏月都下水遣使巡行賑恤六月以大且渠無諱爲征西大將軍涼州刺史封西河王秋七月甲戌晦日有蝕之九月丙辰有客星在北斗因爲彗入文昌貫五車埽畢拂天節經天苑季冬乃滅冬十二月丙申詔奉聖之胤速議承襲及令修廟四時饗祀并命蠲近墓五家供洒掃栽松栢六百株是歲蠕蠕河南扶南婆皇國並遣使朝貢西涼武昭王孫李寶始埽於魏

二十年春正月辛亥祀南郊二月甲申閱武於白下魏軍尅仇池



夏四月甲午立皇子誕爲廣陵王秋七月癸丑以楊文德爲征西將軍北秦州刺史封武都王冬十月雷十二月壬午置藉田是歲河西高麗百濟倭國並遣使朝貢自去歲至是諸州郡水旱傷稼人大饑遣使開倉賑恤

二十一年春正月己亥南兗南豫州揚州之浙江西並禁酒辛酉親耕藉田大赦二月己丑司徒錄尚書事江夏王義恭進位太尉領司徒辛卯立皇子宏爲建平王秋八月戊辰以荊州刺史衡陽王義季爲征北大將軍開府儀同三司南兗州刺史九月甲辰以大且渠安周爲征西將軍涼州刺史封河西王冬十月己亥命刺史郡守修東耕丙子雷且電

二十二年春正月辛卯朔改用御史中丞何承天元嘉新曆二月甲戌立皇子禕爲東海王和爲義陽王秋七月己未以尚書僕射孟顛爲左僕射中護軍何尚之爲右僕射九月己未開酒禁癸酉宴于武張堂上將行敕諸子且勿食至會所賜饌日旰食不至有饑色上誡之曰汝曹少長豐佚不見百姓艱難今使爾識有饑苦知以節儉期物冬十二月乙未太子詹事范曄謀反及黨與皆伏誅丁酉免大將軍彭城王義康爲庶人絕屬藉是冬浚淮起潮熟廢田千餘頃

二十三年夏四月丁未大赦六月癸未朔日有蝕之交州刺史檀和之伐林邑國尅之是歲大有年築北堤立玄武湖於樂遊苑北興景陽山于華林園役重人怨

二十四年春正月甲戌大赦賜文武位一等夏四月河濟俱清六月都下疫癘使巡省給醫藥以貨貴制大錢一當兩秋八月乙未徐州刺史衡陽王義季薨冬十一月甲寅立皇子渾爲汝陰王是



歲徐兗青冀四州大水

二十五年春閏二月巳酉大蒐於宣武塲三月庚辰校獵夏四月乙巳新作閭闔廣莫二門改先廣莫門曰承明開陽門曰津陽五月乙卯罷當兩大錢六月庚戌零陵王司馬元瑜薨丙寅加荊州刺史南譙王義宣位司空八月甲子立皇子彧爲淮陽王九月辛未以尚書右僕射何尚之爲左僕射冬青州城南遠望見地中如水有影謂之地鏡

二十六年春正月辛巳祀南郊二月巳亥幸丹徒謁京陵三月丁巳宴于丹徒宮大赦復丹徒縣僑舊今歲租布之半行所經過蠲田租之半癸亥使祭晉故司空忠肅公何無忌墓壬午至自丹徒丙戌皇國壬辰婆遼國並遣使朝貢冬十月庚子改封廣陵王誕爲隨郡王癸卯彗星見于太微甲辰以揚州刺史始興王濬爲

征北將軍開府儀同三司徐兗二州刺史

二十七年春正月辛卯百濟國遣使朝貢二月魏軍攻縣瓠以軍興減百官奉祿三分之一三月乙丑淮南太守諸葛闡求減奉祿同內百官於是諸州郡縣丞尉並悉同減戊寅罷國子學秋七月庚午遣寧朔將軍王玄謨拒魏太尉江夏王義恭出次彭城總統諸軍冬十一月丁未大赦十二月庚午魏太武帝率大衆至瓜步聲欲度江都下震懼咸荷擔而立壬午內外戒嚴緣江六七百里舳艫相接始議北侵朝士多有不同至是帝登烽火樓極望不悅謂江湛曰北伐之計同議者少今日士庶勞怨不得無慙貽大夫之憂在予過矣甲申使饋百牢于魏

二十八年春正月丁亥魏太武帝自瓜步退歸俘廣陵居人萬餘家以北徐豫青冀二兗六州殺略不可勝筭所過州郡赤地無餘



二月甲戌降太尉領司徒江夏王義恭為驃騎將軍開府儀同三司壬午幸瓜步是日解嚴三月乙酉車駕還宮丙申拜初寧陵大旱夏四月癸酉婆達國遣使朝貢巳卯彗星見于昂是月都下疾疫使巡省給醫藥五月乙酉亡命司馬順則自號齊王據梁鄒城丁巳婆皇國戊戌河南國並遣使朝貢戊申以尚書左僕射何尚之為尚書令太子詹事徐湛之為左僕射護軍將軍壬子彗星見太微中對帝座秋七月甲辰進安東將軍倭王綏濟為安東大將軍八月癸酉梁鄒平斬司馬順則是秋猛獸入郭內為災冬十月癸亥高麗國遣使朝貢十一月壬寅曲赦二兗徐豫青冀六州徙彭城流人于瓜步淮西流人于姑熟合萬許家是歲魏正平元年二十九年春正月甲子詔經寇六州仍逢災澇可量加救贍二月乙卯雷且雪戊午立皇子休仁為建安王三月壬午大風拔木都

下火夏四月戊午訶羅單國遣使朝貢秋七月壬辰改封汝陰王渾為武昌王淮陽王彧為湘東王丁酉省大司馬太子僕廷尉監官九月乙亥以平西將軍吐谷渾拾寅為安西將軍秦河二州刺史封河南王冬十一月壬寅揚州刺史廬陵王紹薨十二月戊辰黃霧四塞辛未以南兗州刺史江夏王義恭為大將軍南徐州刺史錄尚書如故是歲魏中常侍宗愛構逆太武皇帝崩乃奉南安王余為帝改元為承平後又賊余於是殿中尚書長孫渴侯尚書陸麗奉皇孫是為文成皇帝改元曰興元

三十年春正月乙亥朔會羣臣于太極前殿有青黑氣從東南來覆映宮上戊寅以司空荊州刺史南譙王義宣為司徒中軍將軍揚州刺史壬午以南徐州刺史始興王濬為衛將軍開府儀同三司荊州刺史戊子使江州刺史武陵王駿統衆軍伐西陽蠻二月



甲子元凶劬構逆帝崩于合殿時年四十七謚景皇帝廟號中宗三月癸巳葬長寧陵孝武帝踐祚追改謚曰文帝廟號太祖帝聰明仁厚雅重文儒躬勤政事孜孜無怠加以在位日久惟簡靜爲心于時政平訟理朝野悅睦自江左之政所未有也又性存儉約不好奢侈車府令嘗以輦竿故請改易之又輦席舊以鳥皮緣故欲代以紫皮上以竹竿未至於壞紫色貴並不聽改其率素如此云

世祖孝武皇帝諱駿字休龍小字道人文帝第三子也元嘉七年八月庚午夜生有光照室少機穎神明爽發讀書七行俱下才藻甚美雄決愛武長于騎射十二年立爲武陵王二十二年累遷雍州刺史自晉江左以來襄陽未有皇子重鎮時文帝欲經略關河故有此授及魏太武大舉至淮南時帝鎮彭城使尚書李孝伯

至帝遣長史張暢與語而帝改服觀之孝伯目帝不輟及出謂人曰張侯側有人風骨視瞻非常士也二十八年爲都督江州刺史時緣江蠻爲寇文帝遣太子步兵校尉沈慶之等伐之使上總統衆軍三十年正月出次西陽之五洲會元凶弒逆上率衆入討荊州刺史南譙王義宣雍州刺史臧質並舉義兵三月乙未建牙于軍門是時多不悉舊儀有一翁斑白自稱少從武帝征伐頗悉其事因使指麾事畢忽失所在自冬至春常東北風連陰不霽其日牙立之後風轉而西南景色開霽有紫雲二陰于牙上四月辛酉上次溧州丙寅次江寧丁卯大將軍江夏王義恭來奔奉表上尊號戊辰上至新亭己巳卽皇帝位大赦改文帝號謚以大將軍江夏王義恭爲太尉南徐州刺史庚午以荊州刺史南譙王義宣爲中書監丞相揚州刺史並錄尚書六條事以安東將軍隨王誕爲



衛將軍荊州刺史加雍州刺史臧質並車騎將軍開府儀同三司以江州刺史撫軍將軍蕭思話爲尚書左僕射壬申以征虜將軍王僧達爲右僕射改新亭爲中興亭夏五月乙亥輔國將軍朱修之尅東府丙申尅建鄴二凶及同逆並伏誅庚辰詔分遣大使巡省方俗是日解嚴辛巳幸東府城甲申尊所生路淑媛爲皇太后乙酉立妃王氏爲皇后壬辰以太尉江夏王義恭爲太傅領大司馬甲午謁初寧陵曲赦建鄴二百里內并蠲今年租稅戊戌以撫軍將軍南平王鑠爲司空建平王宏爲尚書左僕射六月丙午車駕還宮初置殿門及上閣門屯兵庚午以丹陽尹褚湛之爲尚書右僕射庚申詔有司論功班賞各有差辛酉安西將軍西秦河二州刺史吐谷渾拾寅進號鎮西大將軍開府儀同三司辛未改封南譙王義宣爲南郡王隨王誕爲竟陵王閏月丙子兼散騎常侍

樂詢等十五人巡行風俗庚申加太傅江夏王義恭錄尚書事以荊州刺史竟陵王誕爲侍中驃騎大將軍開府儀同三司揚州刺史甲申蠲尋陽西陽郡租布三年是月置衛尉官秋七月辛丑朔日有蝕之辛酉詔崇儉約禁淫侈巳巳司空南平王鑠薨以侍中南郡王世子恢爲尚書右僕射冬十月癸未聽訟於闕武堂十一月丙辰停臺省衆官朔望問記丙寅高麗國遣使朝貢十二月甲戌省都水使者官置水衡令官癸未以將置東宮省太子率更令步兵翊軍校尉旅賁中郎將冗從僕射左右積弩將軍官中庶子中舍人庶子舍人洗馬各減舊員之半

孝建元年春正月巳亥朔祀南郊大放改元壬戌更鑄四銖錢丙寅立皇子子業爲皇太子賜天下爲父後者爵一級是月起正光殿二月庚子豫州刺史魯爽車騎將軍江州刺史臧質丞相荊州



刺史南郡王義宣兗州刺史徐道寶舉兵反壬午曲赦豫州三月  
癸亥內外戒嚴夏五月甲寅義宣等攻梁山左衛將軍王玄謨大  
破之己未解嚴癸亥以吳興太守劉延孫爲尚書右僕射六月戊  
辰臧質走至武昌爲人所斬傳首建鄴甲戌撫軍將軍柳元景進  
號撫軍大將軍及鎮北大將軍沈慶之並開府儀同三司癸未罷  
南蠻校尉官戊子省錄尚書官庚寅義宣於江陵賜死秋七月丙  
申朔日有蝕之既丙辰大赦賜文武爵一級冬十月戊寅詔開建  
仲尼廟制同諸侯之禮詳撰爽塏厚給祭秩十一月癸卯復置都  
水使者官始課南徐州僑人租是歲魏興光元年

二年春二月己丑婆皇國遣使朝貢丙寅以南兗州刺史沈慶之  
爲左光祿大夫開府儀同三司夏四月壬申河南國遣使朝貢五  
月乙未熒惑入南斗戊戌以湘州刺史劉遵考爲尚書右僕射六

月甲子以國哀除釋大赦秋七月癸巳立皇弟休祐爲山陽王休  
茂爲海陵王休業爲鄱陽王己酉槃槃國遣使朝貢八月庚申雍  
州刺史武昌王渾有罪廢爲庶人自殺辛酉斤陀利國遣使朝貢  
三吳饑詔所在賑貸九月丁亥閱武於宣武場冬十月壬午以揚  
州刺史竟陵王誕爲司空南徐州刺史以尚書左僕射建平王宏  
爲尚書令十一月辛亥高麗國遣使朝貢是歲魏太安元年

三年春正月庚寅立皇弟休範爲順陽郡王休若爲巴陵郡王戊  
戌立皇子子尚爲西陽郡王辛巳祀南郊以驃騎將軍建昌忠公  
到彥之衛將軍左光祿大夫新建文宣侯王華豫寧文侯王曇首  
配饗文帝廟庭壬子皇太子納妃甲寅大赦羣臣上禮二月丁丑  
制朔望臨西堂接羣下受奏事閏三月癸酉鄱陽王休業薨夏四  
月甲子初禁人車及酒肆器用銅五月辛酉制荆徐兗豫雍青冀



七州統內家有馬一匹者蠲復一丁秋九月壬戌以丹陽尹劉遵考爲尚書左僕射冬十月丙午太傅江夏王義恭進位太宰領司徒

大明元年春正月乙亥朔大赦改元庚午都下雨水辛未遣使檢行賜以樵米三月壬戌制大臣加班劔者不得入宮城門夏四月都下疾疫丙申遣使巡賜給醫藥死而無收斂者官爲斂埋五月吳興義興大水人饑乙卯遣使開倉賑恤癸酉聽訟于華林園自是非巡狩軍役則車駕歲三臨訊丙寅芳香琴堂東西有雙橘連理景陽樓上層西南梁拱間有紫氣清暑殿爲嘉禾殿芳香琴堂爲禾一株五莖改景陽樓爲慶雲樓清暑殿爲嘉禾殿芳香琴堂爲連理堂乙亥以輔國將軍梁 憇爲河州刺史封宕昌王秋七月辛未土斷雍州諸僑郡縣九月建康秣陵二縣各置都官從事一

人司水火劫盜冬十月甲辰以百濟王餘慶爲鎮東大將軍十二月丁亥改封順陽王休範爲桂陽王

二年春正月辛亥祀南郊丙辰復郡縣田秩并九親祿奉壬戌拜初寧陵二月丙戌衛將軍尚書令建平王宏以本號開府儀同三司以丹陽尹褚湛之爲尚書左僕射三月丁未尚書令建平王宏薨乙卯以田農要月命太官停殺牛夏四月甲申立皇子子綬爲安陸王辛丑地震六月戊寅增置吏部尚書一人省五兵尚書官丁亥加左光祿大夫何尚之開府儀同三司秋八月丙戌中書令王僧達下獄死九月壬戌襄陽大水遣使巡行賑恤庚午置武衛將軍武騎常侍官冬十二月己亥制諸王及妃主庶姓位從公者喪事聽設凶門餘悉斷是歲河南高麗林邑等國並遣使朝貢三年春正月己丑以領軍將軍柳元景爲尚書令二月乙卯以揚



州所統六郡爲王畿以東揚州爲揚州甲子復置廷尉監官夏四月乙卯司空南兗州刺史竟陵王誕有罪貶爵誕不受命據廣陵反以沈慶之爲車騎大將軍開府儀同三司南兗州刺史討誕秋八月乙巳尅廣陵城斬誕悉誅城內男丁以女口爲軍賞是日解嚴辛未大赦丙子以丹陽尹劉秀之爲尚書右僕射丙戌加南兗州刺史沈慶之位司空九月壬辰於玄武湖北立上林苑甲午移南郊壇於牛頭山以正陽位冬十一月甲子立皇后蠶宮於西郊十二月辛酉置謁者僕射官是歲婆皇河西高麗肅慎等國各各遣使朝貢西域獻舞馬

四年春正月辛未祀南郊甲戌宕昌國遣使朝貢乙亥親耕籍田大赦庚寅立皇子子勛爲晉安王子房爲尋陽王子項爲歷陽王子鸞爲襄陽王三月甲申皇后親桑於西郊夏四月丙午詔四時

供限詳減太半辛亥太宰江夏王義恭等表請封岱宗詔不從辛酉詔以都下疾疫遣使存問并給醫藥其亡者隨宜賑恤五月丙戌尚書左僕射褚湛之卒秋七月甲戌光祿大夫開府儀同三司何尚之薨八月雍州大水甲寅遣加賑恤九月丁亥改封襄陽王子鸞爲新安王冬十月庚寅遣新除司空沈慶之討緣江蠻十一月戊辰改細作署令爲左右御府令丙戌復置大司農官十二月辛丑幸廷尉寺宥繫囚魏遣使通和丁未幸建康縣原放獄囚倭國遣使朝貢是歲魏和平元年

五年春正月戊午朔華雪降散爲六出上悅以爲瑞二月癸巳閱武軍幢以下普加班錫多所原宥三月甲戌行幸江乘遣祭故太保王弘光祿大夫王曇首墓夏四月癸巳改封西陽王子尚爲豫章王丙申加尚書令柳元景左光祿大夫開府儀同三司丙午雍



州刺史海陵王休茂殺司馬庾深之舉兵反參軍尹玄慶起義斬之傳首建鄴五月起明堂於國學南丙巳之地癸亥制帝室蕃親官非祿官者月給錢十萬秋七月丁卯高麗國遣使朝貢庚午曲赦雍州八月戊子立皇子子仁爲永嘉王子真爲始安王巳丑詔以來歲修葺庠序旌延國胄庚寅制方鎮所假白板郡縣年限依臺除食祿三分之一不給送故衛將軍東海王禕以本號開府儀同三司九月甲寅日有蝕之丁卯行幸琅邪郡原遣囚繫庚午河濟清閏月丙申初立馳道自閭闔門至于朱雀門又自承明門至于玄武湖壬寅改封歷陽王子頊爲臨海王冬十月甲寅以南徐州刺史劉延孫爲尚書左僕射十二月壬申以領軍將軍劉遵考爲尚書右僕射甲戌制天下人戶歲輸布四疋

六年春正月辛卯祀南郊是日又宗祀文皇帝於明堂以配上帝

大赦乙未置五官中郎將左右中郎將官二月乙卯復百官祿三月庚寅立皇子子元爲邵陵王壬寅以倭世子興爲安東將軍倭國王夏四月庚申新作大航門五月丙戌置凌室于覆舟山修藏冰之禮六月辛酉尚書左僕射劉延孫卒秋七月甲申地震有聲如雷兗州尤甚於是魯郡山搖者二乙未立皇子子雲爲晉陵王八月乙丑置清臺令官九月制沙門致敬人主乙未以尚書右僕射劉遵考爲左僕射以丹陽尹王僧朗爲右僕射冬十月丁卯詔上林苑內士庶丘墓欲還合葬者勿禁十一月巳卯陳留王曹虔秀薨

七年春正月癸未詔尅日於玄武湖大閱水師并巡江右講武校獵丁亥以右衛將軍顏師伯爲尚書左僕射二月甲寅車駕巡南豫南兗二州丁巳校獵烏江巳未登烏江縣六合山壬戌大赦行



幸所經無出今年租布賜人爵一級女子百戶牛酒郡守邑宰及人夫從蒐者普加霑賚又詔蠲歷陽郡租輸三年遣使巡慰問人疾苦癸亥行幸尉氏觀溫泉壬申車駕至都拜二廟乃還宮夏四月甲子詔自今非臨軍戰陣一不得專殺其罪人重辟者皆依舊先上須報有司嚴加聽察犯者以殺人罪論五月丙子詔自今刺史守宰動人興軍皆須守詔施行惟邊隅外警及姦釁內發變起倉卒者不從此例六月戊申蠕蠕高麗等國並遣使朝貢秋七月乙亥進高麗王高璉位車騎大將軍開府儀同三司八月乙丑立皇子子孟爲淮南王子產爲臨賀王車駕幸建康秣陵縣訊獄囚九月庚寅以南徐州刺史新安王子鸞爲兼司徒乙未幸廷尉訊獄囚丙申立皇子子嗣爲東平王冬十月壬寅皇太子冠賜王公以下帛各有差戊申車駕巡南豫州奉太后以行癸丑行幸江寧

縣訊獄囚加車騎將軍揚州刺史豫章王子尚開府儀同三司癸亥以開府儀同三司東海王禕爲司空加中軍將軍義陽王昶開府儀同三司己巳校獵于姑熟十一月丙子曲赦南豫州殊死以下巡幸所經詳減今歲田租乙酉詔祭晉大司馬桓溫征西將軍毛瓌墓上於行所訊溧陽永世丹陽縣囚癸巳祀梁山大閱水師於中江有白雀二集華蓋有司奏改元爲神雀詔不許乙未原放行獄徒繫浙江東諸郡大旱十二月壬寅遣使開倉賑恤聽受雜物當租丙午行幸歷陽甲寅大赦賜歷陽郡女子百戶牛酒蠲郡租十年己未加太宰江夏王義恭尚書令於博望梁山立雙闕癸未至自歷陽

八年春正月辛巳祀南郊是日還宗祀文帝于明堂甲戌詔曰東境去歲不稔宜廣商貨遠近貶鬻米粟者可停道中雜稅以其仗



自防悉勿禁夏閏五月壬寅以太宰江夏王義恭領太尉庚申帝崩于玉燭殿時年三十五七月丙午葬于丹陽秣陵縣巖山景寧陵帝末年爲長夜之飲每旦寢興盥漱畢仍復命飲俄頃數斗憑几昏睡若大醉者或外有奏事便肅然整容無復酒色外內服其神明莫敢弛惰

前廢帝諱子業小字法師孝武帝長子也元嘉二十六年正月甲申生孝武鎮尋陽帝留都下三十年孝武入伐元凶囚帝于侍中下省將加害者數矣卒得無恙及孝武踐祚立爲皇太子始未之東宮中庶子二率並入直永福省大明二年出東宮七年加元服八年閏五月庚午孝武崩其日太子卽皇帝位大赦加驃騎大將軍柳元景尚書令甲子置錄尚書官以太宰江夏王義恭錄尚書事加驃騎大將軍柳元景開府儀同三司秋七月庚戌婆皇國遣

使朝貢崇皇太后爲太皇太后皇后曰皇太后乙卯罷南北二馳道改孝建以來所變制度還依元嘉丙辰追崇獻妃爲獻皇后八月乙丑皇太后崩九月乙卯文穆皇后祔葬景寧陵冬十二月乙酉以尚書右僕射顏師伯爲尚書僕射壬辰以王畿諸郡爲揚州以揚州爲東揚州癸巳加車騎將軍揚州刺史豫章王子尚位司徒去歲及是歲東諸郡大旱甚者米一斗數百都下亦至百餘餓死者十六七孝建以來又立錢署鑄錢百姓因此盜鑄錢轉僞小商貨不行

景和元年春正月乙未朔大赦改元曰永光乙巳省諸州臺傳二月乙丑減州郡縣田祿之半庚寅鑄二銖錢夏五月魏文成皇帝崩秋八月庚午以尚書僕射顏師伯爲左僕射吏部尚書王景文爲右僕射癸酉帝自率宿衛兵誅太宰江夏王義恭尚書令柳元



景左僕射顏師伯廷尉劉德願改元爲景和甲戌以司徒揚州刺史豫章王子尚領尚書令乙亥帝釋素服御錦衣以始興公沈慶之爲太尉庚辰以石頭城爲長樂宮東府城爲未央宮甲申以北邸爲建章宮南第爲長楊宮己丑復立南北二馳道九月癸巳幸湖熟奏鼓吹戊戌還宮帝自以爲昔在東宮不爲孝武所愛及卽位將掘景寧陵太史言於帝不利而止乃縱糞於陵肆罵孝武帝爲麒麟奴又遣發殷貴妃嬪墓忿其爲孝武所寵初貴嬪薨武帝爲造新安寺乃遣壞之又欲誅諸遠近僧尼辛丑免南徐州刺史新安王子鸞爲庶人賜死丁未加衛將軍湘東王彧開府儀同三司己酉車駕討徐州刺史義陽王昶內外戒嚴昶奔魏戊午解嚴開百姓鑄錢冬十月癸亥曲赦徐州丁卯東陽太守王藻下獄死以文帝第十女新蔡公主爲貴嬪夫人改姓謝氏以武貴鉞戟鸞輅

龍旂出警入蹕矯言公主薨空設喪事焉乙酉以豫州刺史山陽王休祐爲鎮軍大將軍開府儀同三司十一月壬辰寧朔將軍何邁下獄死癸巳殺新除太尉沈慶之壬寅立皇后路氏四廂奏樂曲赦揚南徐二州丁未皇子生少府劉暉之子也大赦賊污淫盜悉皆原蕩賜爲父後者爵一級壬子以護軍將軍建安王休仁爲驃騎大將軍開府儀同三司戊午南平王敬猷廬陵王敬先安南侯敬深並賜死時帝凶悖日甚誅殺相繼內外百官不保首領先是訛言湘中出天子帝將南巡荆湘以厭之期旦誅除四叔然後發引是夜湘東王彧與左右阮佃夫王道隆李道兒密結帝左右壽寂之姜產之等十一人謀共廢帝先是帝好遊華林園竹林堂使婦人裸身相逐有一婦人不從命斬之經少時夜夢遊後堂有一女子罵曰帝悖虐不道明年不及熟矣帝怒於宮中求得似所



夢者一人戮之其夕復夢所戮女罵曰汝枉殺我已訴上帝至是  
巫覡云此堂有鬼帝與山陰公主及六宮綵女數百人隨羣巫捕  
鬼屏除侍衛帝親自射之事畢將奏靡靡之聲壽寂之懷刀直入  
姜產之爲副諾姬迸逸廢帝亦走追及之大呼寂寂如此者三手  
不能舉乃崩於華光殿時年十七太皇太后令奉湘東王或纂承  
皇統於是葬帝於丹陽秣陵縣南郊壇西帝蠶曰烏喙長頸銳下  
勿而狷急在東宮每爲孝武所責孝武西巡帝啟參承起居書述  
不謹上詰讓之曰書不長進此是一條耳聞汝比素業都懈狷戾  
日甚何以頑固乃爾初踐祚受璽紱傲然無哀容蔡興宗退而歎  
曰昔魯昭不滅叔孫請死國家之禍其在此乎帝始猶難諸大臣  
及戴法興等旣殺法興諸大臣莫不震懾於是又誅羣公元凱以  
下皆被毆捶牽曳內外危懼殿省騷然太后疾篤呼帝帝曰病人

間多鬼可畏那可往太后怒語侍者曰將刀來破我腹那得生寧  
馨兒及太后崩後數日帝夢太后謂曰汝不仁不孝本無人君之  
相子尚愚悖如此亦非運祚所及孝武險虐滅道怨結人神兒孫  
雖多並無天命大命所歸應還文帝之子故帝聚諸叔都下慮在  
外爲患山陰公主淫恣過度謂帝曰妾與陛下雖男女有殊俱託  
體先帝陛下後宮數百妾惟駙馬一人事不均平一何至此帝乃  
爲立面首左右三十人進爵會稽郡長公主秩同郡王湯沐邑二  
千戶給鼓吹一部加班劔二十人帝每出公主與朝臣常共陪輦  
帝少好讀書頗識古事粗有文才自造孝武帝誅及雜篇章往往  
有辭采以魏武有發丘中郎將模金校尉乃置此二官以建安王  
休仁山陽王休祐領之其餘事迹分見諸列傳  
論曰文帝幼年特秀自稟君德及正位南面歷年長久綱維備舉



條禁明密罰有恒科爵無濫品故能內清外晏四海謐如而授將  
遣師事乖分閩才謝光武而遙制兵略至於攻戰日時咸聽成旨  
雖獲師喪旅將非韓白而延寇感境抑此之由及至言泄衾衽難  
結凶豎雖禍生非慮蓋亦有以而然夫盡人命以自養蓋惟桀紂  
之行觀夫大明之世其將盡人命乎雖周公之才之美亦當終之  
以亂由此言之得歿亦為幸矣至如廢帝之事行著于篇假以中  
才之君有一於此足以致賈況乎兼斯眾惡不亡其可得乎

南史卷二 宋本紀中第二終

魏川中鳳閣  
氏庸應南

南史卷三

宋本紀下第三

魏川中鳳閣  
氏庸應南

明帝

後廢帝

順帝

太宗明皇帝諱彧字景休小字榮期文帝第十一子也元嘉十六  
年十月生二十五年封淮陽王二十九年改封湘東王孝武踐祚  
累遷鎮軍將軍雍州刺史是歲入朝時廢帝疑畏諸父以上付廷  
尉明且將加禍害上乃與腹心阮佃夫李道兒等密謀時廢帝左  
右直閣將軍宋越譚金童太一等是夜並外宿佃夫道兒因結壽  
寂之等十一月十九日弑廢帝於後堂建安王休仁便稱臣奉引  
升西堂登御坐事出倉卒上失履跣猶著烏紗帽休仁呼主衣以

及古閣 五張



白紗代之未卽位凡衆事悉稱令書已未司徒豫章王子尚山陰  
公主並賜死宋越譚金童太一伏誅十二月庚申朔令書以東海  
王禕爲中書監太尉以晉安王子勛爲車騎將軍開府儀同三司  
癸亥以建安王休仁爲司徒尚書令揚州刺史乙丑改封安陸王  
子綏爲江夏王

泰始元年卽大明九年也魏和平六年冬十二月丙寅皇帝卽位  
於太極前殿大赦改元辛未改封臨賀王子產爲南平王晉熙王  
子輿爲廬陵王壬申以王景文爲尚書僕射乙亥追尊所生沈婕  
妤曰宣皇太后戊寅改太皇太后爲崇憲太后立皇后王氏罷二  
銖錢江州刺史晉安王子勛舉兵反鎮軍長史袁顛赴之鄧琬爲  
其謀壬午謁太廟甲申郢州刺史安陸王子綏會稽太守尋陽  
王子房臨海王子瑱並舉兵同逆

二年春正月乙未晉安王子勛僭卽僞位於尋陽年號義嘉壬辰  
徐州刺史薛安都舉兵反甲午內外戒嚴司徒建安王休仁都督  
諸軍南討丙戌徐州刺史申令孫司州刺史龐孟虬豫州刺史殷  
琰青州刺史沈文秀冀州刺史崔道固湘州行事何慧文廣州刺史  
袁曇益州刺史蕭惠開梁州刺史柳元怡並同逆丙午車駕親御  
六軍頓中興堂辛亥南豫州刺史山陽王休祐改爲豫州刺史西  
討吳郡太守顧琛吳興太守王曇生義興太守劉延熙晉陵太守  
袁標山陽太守程天祚並舉兵反鎮東將軍巴陵王休若統軍東  
討壬子崇憲皇太后崩二月乙丑以蔡興宗爲尚書右僕射壬申  
吳興太守張永右將軍蕭道成東討平晉陵丁亥建武將軍吳喜  
公率諸軍破賊於吳興會稽平定三郡同逆皆伏誅輔國將軍蕭  
道成前鋒北討輔國將軍劉劭前鋒西討劉胡衆四萬據楮圻三



月庚寅撫軍將軍殷孝祖攻楮圻死之以輔國將軍沈攸之代爲南討前鋒賊衆稍盛袁顛頓鵲尾連營至濃湖衆十餘萬丙申南徐州刺史桂陽王休範總統北討諸軍事戊戌貶尋陽王子房爵爲松滋縣侯癸卯令人入米七百石者除郡減此各有差壬子斷新錢專用古錢夏五月甲寅葬崇憲皇太后於修寧陵秋七月丁酉以仇池太守楊僧嗣爲北秦州刺史封武都王八月己卯司徒建安王休仁率衆軍大破賊斬僞尚書僕射袁顛進討江郢荆湘雍五州平之晉安王子勛安陸王子綏臨海王子瑱邵陵王子元並賜死同黨皆伏誅諸將帥封賞各有差九月癸巳六軍解嚴戊戌以王玄謨爲左光祿大夫開府儀同三司領護軍將軍冬十月乙卯永嘉王子仁始安王子真淮南王子孟南平王子產廬陵王子輿松滋侯子房並賜死丁卯以沈攸之爲中領軍與張永俱北

討戊寅立皇子昱爲皇太子十一月壬辰立建平王景素子延年爲新安王十二月薛安都要引魏軍張永沈攸之大敗於是遂失淮北四州及豫州淮西地是歲魏天安元年

三年春正月庚子以農役將興詔太官停宰牛癸卯曲赦豫南豫二州閏正月庚午都下大雨雪遣使巡行賑貸各有差二月甲申爲戰亡將士舉哀丙申曲赦青冀二州夏四月丙戌詔以故丞相江夏文獻王故太尉巴東忠烈公柳元景故司空始興襄公沈慶之故征西將軍洮陽肅侯宗懋陪祭孝武廟庭庚子立桂陽王休範第二子德嗣爲廬陵王立侍中劉韜第三子銑爲南豐王以奉廬江昭王南豐哀王祀五月丙辰詔宣太后崇寧陵禁內墳瘞遷徙者給葬直蠲復其家壬戌以太子詹事袁粲爲尚書僕射秋八月壬寅以中領軍沈攸之行南兗州刺史率衆北伐九月戊午以



皇后六宮以下雜衣千領金釵千枚賜北伐將士冬十月壬午改封新安王延年爲始平王辛丑以鎮西大將軍西秦河二州刺史吐谷渾拾寅爲征西大將軍十一月立建安王休仁第二子伯猷爲江夏王是歲魏皇興元年

四年春正月丙辰朔雨草于宮乙亥零陵王司馬勗薨二月乙巳左光祿大夫開府儀同三司王玄謨薨三月交州人李長仁據州叛秩賊攻廣州殺刺史羊希龍驤將軍陳伯紹討平之夏四月丙申改封東海王禕爲廬江王山陽王休祐爲晉平王秋九月戊辰詔定黥刑之制有司奏自今凡劫竊執官仗拒戰邏司攻剽亭寺及傷害更人并監司將吏自爲劫皆不限人數悉依舊制斬刑若遇赦黥及兩頰劫字斷去兩脚筋徙付交梁寧州五人以下止相逼奪者亦依黥作劫字斷去兩脚筋徙付遠州若遇赦原斷徒猶

黥面依舊補冶士家口應及坐悉依舊結譴及上崩其例乃寢庚午上備法駕幸東宮冬十月癸酉朔日有蝕之發諸州兵北伐五年春正月癸亥親耕籍田乙丑魏尅青州執刺史沈文秀以歸二月丙申以廬江王禕爲車騎將軍開府儀同三司南豫州刺史夏六月辛未立晉平王休祐子宣曜爲南平王秋七月壬戌改輔國將軍爲輔師將軍九月甲寅立長沙王纂子延之爲始平王冬十月丁卯朔日有蝕之十一月丁未魏人來聘十二月庚申分荆益之五郡置三巴校尉

六年春正月乙亥初制間二年一祭南郊間一年一祭明堂夏四月癸亥立皇子燮爲晉熙王六月癸卯以王景文爲尚書左僕射揚州刺史以袁粲爲右僕射己未改臨賀郡爲臨慶郡秋七月丙戌臨慶王智井薨九月戊寅立總明觀徵學士以充之置東觀祭酒



訪舉各一人舉士二十人分爲儒道文史陰陽五部學言陰陽者  
遂無其人冬十月辛卯立皇子贊爲武陵王十二月癸巳以邊難  
未息制父母隔在異域者悉使婚宦

七年春正月甲戌置散騎奏舉郎二月癸丑征西將軍荊州刺史  
巴陵王休若進號征西大將軍及征南大將軍江州刺史桂陽王  
休範並開府儀同三司甲寅南徐州刺史晉平王休祐薨三月辛  
酉魏人來聘夏五月戊午鳩司徒建安王休仁庚午以袁粲爲尚  
書令褚彥回爲右僕射丙戌追免晉平王休祐爲庶人秋七月丁  
巳罷散騎奏舉郎乙丑江州刺史巴陵王休若賜死八月戊子以  
皇子躋繼江夏文獻王義恭庚寅帝疾間戊戌立皇子準爲安成  
王是歲魏孝文帝延興元年

恭豫元年春正月甲寅朔上以疾未痊故改元丁巳巨人跡見西

池水上夏四月己亥上疾大漸加江州刺史桂陽王休範位司空  
以劉劭爲尚書右僕射蔡興宗爲征西將軍開府儀同三司荊州  
刺史沈攸之進號安西將軍袁粲褚彥回劉劭蔡興宗沈攸之入  
閣被顧命是日上崩于景福殿時年三十四五月戊寅葬臨圻縣  
莫府山高寧陵帝好讀書愛文義在藩時撰江左以來文章志又  
續衛瓘所注論語二卷及卽大位舊臣才學之士多蒙引進末年  
好鬼神多忌諱言語文書有禍敗凶喪疑似之言應回避者犯卽  
加戮改駟馬字爲馬邊瓜以駟字似禍故也嘗以南苑借張永云  
且給三百年期盡更請宣陽門謂之白門不祥諱之尚書右丞江  
謐嘗誤犯上變色曰白汝家門路太后停屍漆牀移出東宮上幸  
宮見之怒免中庶子以之坐死者數十人內外常慮犯觸人不自  
保移牀修壁先祭土神使文士爲祝策如大祭饗阮佃夫楊運長



王道隆皆擅威權言爲詔敕郡守令長一缺十除內外混然官以賄命王阮家富於公室中書舍人胡母顥專權奏無不可時人語曰禾絹開眼諾胡母大張橐禾絹謂上也及恭始恭豫之際左右失旨往往有剝斷截禁中慄慄若踐刀劍夜夢豫章太守劉愔反遣就郡殺之軍旅不息府藏空虛內外百官並斷祿奉在朝造官者皆市井傭販之子而又令小黃門於殿內埋錢以爲私藏以蜜漬鯁鯪一食數升噉腊肉常至二百嚮奢費過度每所造制必爲正御三十副御次副又各三十須一物輒造九十枚天下騷然民不堪命宋氏之業自此衰矣

後廢帝諱昱字德融明帝長子也大明七年正月辛丑生於衛尉府帝母陳氏李道兒妾明帝納之故人呼帝爲李氏子帝亦自稱李將軍明帝諸子在孕皆以周易筮之卽以所得卦爲小字故帝小字慧震恭始二年立爲皇太子六年出東宮又制太子元正朝賀服袞冕九章衣明帝崩唐子太子卽皇帝位大赦尚書令袁粲護軍將軍褚彥回共輔朝政班劍依舊入殿六月乙巳尊皇后曰皇太后立皇后江氏秋七月戊辰拜帝所生陳貴妃爲皇太妃八月戊午中書監左光祿大夫開府儀同三司蔡興宗薨冬十一月巳亥新除郢州刺史劉彥節爲尚書左僕射

元徽元年春正月戊寅大赦改元詔自元年以前徒放者並聽還本土魏人來聘夏六月乙卯壽陽大水秋八月都下旱庚午陳留王曹銑薨九月丁亥立衡陽王嶷子伯玉爲南平王冬十二月癸卯朔日有蝕之乙巳進桂陽王休範位太尉癸亥立前建安王世子伯融爲始安縣王

二年夏五月壬午江州刺史桂陽王休範舉兵反庚寅內外戒嚴



中領軍劉劭右衛將軍蕭道成前鋒南討出屯新亭征北將軍張永屯白下前南充州刺史沈懷明戍石頭衛將軍袁粲中軍將軍褚彥回入衛殿省壬申賊奄至攻新亭壘道成拒擊大破之越騎校尉張苟兒斬休範賊黨杜黑蠡丁文豪分軍向朱雀航劉劭拒賊敗績死之右將軍王道隆奔走遇害張永潰于白下沈懷明自石頭奔散甲午車騎典籤茅恬開東府納賊賊入屯中堂羽林監陳顯達擊大破之丙申張苟兒等又破賊進平東府城梟禽羣賊丁酉大赦解嚴荊州刺史沈攸之南徐州刺史建平王景素郢州刺史晉熙王燮湘州刺史張興世並舉義兵赴建鄴六月癸卯晉熙王燮遣軍尅尋陽江州平壬戌改輔師將軍還爲輔國秋七月庚辰立皇弟友爲邵陵王乙酉徐州刺史建平王景素進號征北大將軍開府儀同三司九月乙酉以袁粲爲中書監領司徒加護

軍將軍褚彥回爲尚書令冬十一月丙戌帝加元服十二月癸亥立皇弟躋爲江夏王贊爲武陵王

三年春三月己巳都下大水夏六月魏人來聘秋七月庚戌以袁粲爲尚書令九月丙辰征西大將軍河南王吐谷渾拾寅進號征西大將軍

四年夏六月乙亥加蕭道成尚書左僕射秋七月戊子建平王景素據京城反己丑內外纂嚴遣驍騎將軍任農夫冠軍將軍黃回北討蕭道成總統衆軍始安王伯融都鄉侯伯猷並賜死乙未尅京城斬景素同逆皆伏誅八月丁卯立皇弟翽爲南陽王嵩爲新興王禧爲始建王九月戊子驍騎將軍高道慶有罪賜死己丑車騎將軍揚州刺史安成王準進號驃騎大將軍開府儀同三司冬十月辛酉以王僧虔爲尚書右僕射



五年夏四月甲戌豫州刺史阮佃夫步兵校尉申伯宗朱幼謀廢立皆伏誅五月地震六月甲戌誅司徒左長史沈勃散騎常侍杜幼文游擊將軍孫超之長水校尉杜叔文七月戊子夜帝遇弒於仁壽殿時年十五巳丑皇太后令貶帝爲蒼梧郡王葬丹陽秣陵縣郊壇西初帝之生夕明帝夢人乘馬馬無頭及後足有人曰太子也及在東宮五六歲能緣漆帳竿去地丈餘如此者半食漸長喜怒乖節左右失旨者手加撲打徒路踣踞及嗣位內畏太后外憚大臣猶未得肆志自加元服三年好出入單將左右或十里二十里或入市里遇慢罵則悅而受焉四年無日不出與左右解僧智張五兒恒夜出門承明門夕去晨反晨出暮歸從者並執鋌矛行人男女及犬馬牛驢逢無免者人間擾懼晝日不開門道無行人嘗著小褲不服衣冠有白楮數十各有名號鉗鑿錐鋸不離左

右爲擊腦槌陰剖心之誅日有數十常見臥屍流血然後爲樂左右人見有頓眉者帝令其正立以矛刺之曜靈殿上養驢數十頭所自乘馬養於御牀側與右衛翼輦營女子私通每從之遊持數千錢爲酒肉之費出逢婚姻葬送輒與挽車小兒羣聚飲酒以爲歡適阮佃夫腹心人張羊爲佃夫委信佃夫敗叛走復捕得自於承明門以車轢殺之殺杜延載杜幼文躬運戈鋌手自斮割察孫超有蒜氣剖腹視之執楯馳馬自往刺杜叔文于玄武北湖孝武帝二十八子明帝殺其十六餘皆帝殺之吳興沈勃多寶貨往劫之揮刀獨前左右未至勃時居喪在廬帝望見之便投鋌不中勃知不免手搏帝耳唾罵之曰汝罪踰桀紂屠戮無日遂見害帝自斮割制露車一乘施峯乘以出入從數十人羽儀追之恒不相及又各慮禍亦不敢追但整部伍別在一處瞻望而已凡諸鄙事過



目則能鍛銀裁衣作帽莫不精絕未嘗吹篪執管便韻天性好殺  
一日無事卽慘慘不樂內外憂惶夕不及旦領軍將軍蕭道成與  
直閣將軍王敬則謀之七月戊子帝微行出北湖單馬先走羽儀  
不及左右張五兒馬墜湖帝怒自馳騎刺馬屠割之與左右作羌  
胡伎爲樂又於蠻岡賭跳因乘露車無復鹵簿往青園尼寺新安  
寺偷狗就曇度道人煮之飲酒楊玉夫常得意忽然見憎遇輒切  
齒曰明日當殺小子取肝肺是夜七夕令玉夫伺織女度報已因  
與內人穿鍼訖大醉臥于仁壽殿東阿氈幄中帝出入無禁王敬  
則先結玉夫陳奉伯楊萬年等合二十五人其夕玉夫候帝眠熟  
至乙夜與萬年同入氈幄內取千牛刀殺之

順皇帝諱準字仲謨小字知觀明帝第三子也泰始五年七月癸  
丑生七年封安成王帝姿貌端華眉目如畫見者以爲神人廢帝

卽位加揚州刺史元徽二年加都督揚南豫二州諸軍事四年進  
號驃騎大將軍及廢帝殞蕭道成奉太后令迎王入居朝堂

昇明元年秋七月壬辰皇帝卽位大赦改元徽五年爲昇明元年  
甲午蕭道成出鎮東城輔政荊州刺史沈攸之進號車騎大將軍  
蕭道成司空錄尚書事以表粲爲中書監司徒以褚彥回爲衛將  
軍劉彥節爲尚書令加中軍將軍辛丑以王僧虔爲尚書僕射癸  
卯車駕謁太廟八月癸亥司徒表粲鎮石頭戊辰崇拜帝所生陳  
昭華爲皇太妃庚午以蕭道成爲驃騎大將軍開府儀同三司錄  
尚書如故九月巳酉廬陵王暠薨十二月丁巳荊州刺史沈攸之  
舉兵不從執政丁卯蕭道成入守朝堂侍中蕭嶷鎮東府戊辰中  
外纂嚴壬申司徒表粲據石頭謀誅道成不果旋見覆滅乙亥以  
王僧虔爲左僕射王延之爲右僕射吳郡太守劉遐據郡不從執



政令張瓌攻斬之閏月辛亥屯騎校尉王宜興貳於執政見誅癸巳沈攸之攻郢城前軍長史柳世隆固守巳亥中外戒嚴假蕭道成黃鉞乙巳道成出頓新亭是歲魏太和元年

二年春正月丁卯沈攸之敗巳巳華容縣人斬攸之首送之辛未雍州刺史張敬兒剋江陵荊州平丙子解嚴以柳世隆爲尚書右僕射蕭道成旋鎮東府二月庚辰以王僧虔爲尚書令王延之爲左僕射癸未蕭道成加授太尉以褚彥回爲中書監司空丙戌撫軍將軍揚州刺史晉熙王燮進號中軍將軍三月巳丑朔日有蝕之夏四月南兗州刺史黃回貳于執政賜死五月戊午以倭國王武爲安東大將軍六月丁酉以輔國將軍楊文弘爲秦州刺史封武都王秋九月乙巳朔日有蝕之丙午加太尉蕭道成黃鉞都督中外諸軍事太傅領揚州牧賜殊禮以揚州刺史晉熙王燮爲

司徒冬十月壬寅立皇后謝氏十一月立故武昌太守劉琨息頌爲南豐縣王癸亥誅臨澧侯劉晃甲子改封南陽王翽爲隨郡王十二月丙戌皇后見于太廟

三年春正月辛亥領軍將軍蕭蹟加尚書右僕射進號中軍大將軍開府儀同三司二月丙子南豫州刺史邵陵王友薨丙申地震建陽門三月癸卯朔日有蝕之甲辰加蕭道成相國總百揆封十郡爲齊公備九錫之禮庚戌誅臨川王綽夏四月壬申進齊公蕭道成爵爲王壬午安西將軍武陵王贊薨辛卯帝禪位於齊壬辰遜于東邸是日王敬則以兵陳于殿庭帝猶居內聞之逃于佛蓋下太后懼自帥閹豎索扶幸板輿黃門或促之帝怒抽刀投之中項而殞帝旣出宮人行哭俱遷備羽儀乘畫輪車出東掖門封帝爲汝陰王居丹徒宮齊兵衛之建元元年五月巳未帝聞外有馳



馬者懼亂作監人殺王而以疾赴齊人德之賞之以邑六月乙酉  
葬于遂寧陵謚曰順帝宋之王侯無少長皆幽死矣  
論曰文帝負屨南面實有人君之美經國之義雖弘而隆家之道  
不足彭城照不窺古本無卓爾之資徒見昆弟之義深未識君臣  
之禮異以此家情行之國道主忌而猶犯恩離而未悟致以凌逼  
之愆遂成滅親之禍開端樹隙垂之後人明帝因猜忌之情據已  
行之典翦落洪枝飲不待慮既而本根莫庇幼主孤立下無磐石  
之託上有累卵之危方復藏璽懷紘魚服忘反危冠短制匹馬孤  
征以致覆亡理固然矣神器以勢弱傾移靈命隨樂推回改斯蓋  
履霜有漸夫豈一夕何止區區汝陰揖讓而已

南史卷三 宋本紀下第三 終

齊川屯國書  
氏書南宋

南史卷四

齊本紀上第四

齊川屯國書  
氏書南宋

高帝

武帝

齊太祖高皇帝諱道成字紹伯小字鬪將姓蕭氏其先本居東海  
蘭陵縣中都鄉中都里晉元康元年惠帝分東海郡為蘭陵故復  
為蘭陵郡人中朝喪亂皇高祖淮陰令整字公齊過江居晉陵武  
進縣之東城里寓居江左者皆僑置本土加以南名更為南蘭陵  
人也皇曾祖雋字子武位即丘令皇祖樂子字閔子位輔國參軍  
宋昇明中贈太常皇考承之字嗣伯少有大志才力過人仕宋為  
漢中太守梁州之平以功加龍驤將軍後為南太山太守封晉興  
縣五等男遷右軍將軍元嘉二十四年殂梁土思之於峨公山立



廟祭祀昇明二年贈散騎常侍金紫光祿大夫高帝以宋元嘉四年丁卯歲生姿表英異龍額鍾聲長七尺五寸鱗文徧體舊宅在武進縣宅南有一桑樹擢本三丈橫生四枝狀似華蓋帝年數歲好戲其下從兄敬宗曰此樹爲汝生也儒生雷次宗立學於雞籠山帝年十三就受禮及左氏春秋十七年宋大將軍彭城王義康被黜徙豫章皇考領兵防守帝捨業南行十九年竟陵蠻動宋文帝遣帝領偏軍討沔北蠻二十三年雍州刺史蕭思話鎮襄陽啟帝自隨初爲左軍中兵參軍二十九年領偏軍征仇池破其武興蘭臯二壘遂從谷口入關未至長安八十里梁州刺史劉秀之遣司馬馬汪助帝攻拔談提城魏救兵至帝軍力疲少又聞文帝崩乃燒城還南鄭後襲爵晉興縣五等男爲建康令有能名少府蕭惠開雅有知人鑒謂人曰昔魏武爲洛陽北部時人服其英今看

蕭建康但當過之耳宋明帝卽位爲右軍將軍時四方叛會稽太守尋陽王子房及在東諸郡皆起兵明帝加帝輔國將軍東討至晉陵一日破賊十二壘分軍定諸縣及徐州刺史薛安都據彭城歸魏遣從子索兒攻淮陰又徵帝討破之索兒走鍾離帝追至黟黟而還除驍騎將軍封西陽縣侯遷巴陵王衛軍司馬隨鎮會稽江州刺史晉安王子勛遣臨川內史張淹自鄱陽嶠道入三吳明帝遣帝討之時朝廷器甲皆充南討帝軍容寡闕乃編椳皮爲馬具裝折竹爲寄生夜舉火進軍賊望見恐懼未戰而走還除桂陽王征北司馬南東海太守行南徐州事及張永等敗於彭城淮南孤弱以帝爲假冠軍將軍持節都督北討前鋒諸軍事鎮淮陰遷南兗州刺史加督五州督北討如故明帝嫌帝非人臣相而人間流言帝當爲天子明帝愈以爲疑遣冠軍將軍吳喜留軍破釜自



持銀壺酒封以賜帝帝戎服出門迎懼鳩不敢飲將出奔喜告以誠先飲之帝卽酌飲之喜還明帝意乃悅泰始七年徵還都部下勸勿就徵帝曰主上自誅諸弟爲太子幼弱作萬歲後計何關他族惟應速發事緩當見疑今骨肉相害自非靈長之運禍難將興方與卿等戮力耳至拜散騎常侍太子左衛率明帝崩遣詔爲右衛將軍領衛尉加兵五百人與尚書令袁粲護軍褚彥回領軍劉劭共掌機事尋解衛尉加侍中領石頭戍軍事元徽二年五月江州刺史桂陽王休範舉兵於尋陽朝廷惶駭帝與褚彥回等集中書省計議莫有言者帝曰昔上流謀逆皆因淹緩以敗休範必遠懲前失輕兵急下乘我無備請頓新亭以當其鋒因索筆下議餘並注同中書舍人孫千齡與休範有密契獨曰宜依舊遣軍據梁山帝正色曰賊今已近梁山豈可得至新亭既是兵衝所欲以死

報國耳乃單車白服出新亭加帝使持節都督征討諸軍事平南將軍加鼓吹一部築新亭城壘未畢賊前軍已至帝方解衣高臥以安衆心乃索白虎幡登西垣使寧朔將軍高道慶羽林監陳顯達員外郎王敬則浮舸與賊水戰大破之未時張敬兒斬休範首臺軍及賊衆俱不知其別率杜黑蠡急攻東壘帝挺身上馬帥數百人出戰與黑蠡拒戰自晡達明旦矢石不息其夜大雨鼓叫不復相聞將士積日不得寢食軍中馬夜驚城內亂走帝執燭正坐厲聲呵止之如是者數四賊帥丁文豪設伏破臺軍於阜茨橋直至朱雀航王道隆劉劭並戰沒初劭高尚其意託造園宅名爲東山頗忽時務帝謂曰將軍以顧命之重此是艱難之日而深尚從容廢省羽翼一朝事至悔可追乎劭不納竟敗及賊進至杜姥宅車騎典籤茅恬開東府納賊冠軍將軍沈懷明於石頭奔散張永



潰於白下宮內傳新亭亦陷太后執蒼梧王手泣曰天下事敗矣  
帝遣軍主陳顯達任農夫張敬兒周盤龍等從石頭濟淮間道自  
承明門入衛宮闕時休範典籤許公與詐稱休範在新亭士庶惶  
惑詣壘期赴休範投名者千數及至乃是帝隨得輒燒之登城北  
謂曰劉休範父子先昨皆已死戮屍在南岡下身是蕭平南諸軍  
善見觀汝等名皆已焚除勿懼也臺分遣衆軍擊平賊帝振旅凱  
入百姓緣道聚觀曰全國家者此公也帝與袁粲褚彥回劉彥節  
引咎解職不許遷散騎常侍中領軍都督南兗州刺史鎮軍將軍  
進爵爲公與袁粲褚彥回劉彥節等更日直入決事號爲西貴侍  
範平後蒼梧王漸行凶暴屢欲害帝嘗率數十人直入鎮軍府時  
暑熱帝晝臥裸袒蒼梧立帝於室內畫腹爲射的自引滿將射之  
帝神色不變斂板曰老臣無罪蒼梧左右王天恩諫曰領軍腹大

是佳射棚而一箭便死後無復射不如一電箭射之乃取電箭一  
發卽中帝臍蒼梧投弓於地大笑曰此手何如時建平王景素爲  
朝野歸心潛爲自全計布誠於帝帝拒而不納景素尋舉兵帝出  
屯玄武湖事平乃還帝威名旣重蒼梧深相猜忌刻木爲帝形畫  
腹爲射棚自射之又命左右射中者加賞皆莫能中時帝在領軍  
府蒼梧自來燒之與帝出因作難帝堅臥不動蒼梧益懷忿患所  
見之物呼之爲帝加以手自磨鋌曰明日當以刃蕭道成陳太妃  
罵之曰蕭道成有大功於國今害之誰爲汝盡力故止高帝謀於  
袁褚廢立皆不見從五年七月戊子楊玉夫等與直閣將軍王敬  
則通謀弑蒼梧齎首使左右陳奉伯藏衣袖中依常行法稱敕開  
承明門出囊貯之以與敬則敬則馳至領軍府叩門大聲言報帝  
門猶不開敬則自門室中以首見帝帝猶不信乃於牆上投進其



首帝索水洗視敬則乃踰垣入帝跣出敬則叫曰事平矣帝乃戎服乘常所騎赤馬夜入殿中殿中驚怖及知蒼梧死咸稱萬歲至帝踐祚號此馬爲龍驤赤明旦召袁粲褚彥回劉彥節入會西鍾槐樹下計議帝以事讓彥節彥節未答帝鬚髯盡張眼光如電次讓袁粲又不受敬則乃拔刀在牀側躍麾衆曰天下之事皆應關蕭公敢有開一言者血染敬則刀仍呼虎賁劔戟羽儀手自取白紗帽加帝首令帝卽位曰今日誰敢復動事須及熱帝正色呵之曰卿都不自解粲欲有言敬則又叱之乃止帝乃下議備法駕詣東城迎立順帝於是長刀遮粲彥節等失色而去甲午帝移鎮東府與袁粲褚彥回劉彥節各甲仗五十人入殿丙申加侍中空錄尚書事驃騎大將軍封竟陵郡公給油幢車班劔三十人帝固辭上台卽授以驃騎大將軍開府儀同三司十二月荊州刺史沈

攸之反稱太后詔已下都乙卯帝入居朝堂命諸將西討平西將軍黃回爲都督前驅先是太后兄子前湘州刺史王蘊遭母喪罷任還至巴陵停舟與攸之密謀乃下達郢州武帝時爲郢州長史蘊伺武帝出弔因作亂據郢城武帝知之不出蘊還至東府前又期見高帝帝又不出弔再計不行外謀愈固司徒袁粲尚書令劉彥節見帝威權稍盛慮不自安與蘊及黃回等相結舉事殿內宿衛主帥無不協同及攸之反問初至帝往石頭詣粲謀粲稱疾不相見剋壬申夜起兵據石頭其夜丹陽丞王遜告變彥節從弟領軍韞及直閣將軍卜伯興等嚴兵爲內應帝命王敬則於宮內誅之遣諸將攻石頭王蘊將數百精手帶甲赴粲城門已閉官軍又至乃散衆軍攻石頭斬粲彥節走頡擔湖蘊逃鬪塲並禽斬之粲典籤莫嗣祖同粲謀蘊嬖人張承伯藏匿蘊高帝亦並赦而用之



時黃回頓新亭聞石頭已下因稱救援高帝知而不言撫之愈厚  
遣回西上流涕告別二年正月沈攸之平二月宋帝進高帝太尉  
都督十六州諸軍事高帝表送黃鉞三月乙酉增班劍四十人甲  
仗百人入殿丙子加羽葆鼓吹大明泰始已來相承奢侈百姓成  
俗及高帝輔政奏罷御府省二尚方諸飾玩至是又上表禁人間  
華僞雜物凡十七條其中宮及諸王服用雖依舊例亦請詳制九  
月丙午加帝假黃鉞都督中外諸軍事太傅領揚州牧劍履上殿  
入朝不趨贊拜不名置左右長史司馬從事中郎掾屬各四人固  
辭詔遣敦勸乃受黃鉞辭殊禮甲寅給三望車三年正月乙丑高  
帝表蠲百姓逋責丙辰加前部羽葆鼓吹丁巳命太傅府依舊辟  
召丁卯給高帝甲仗五百人出入殿省甲午重申前命劍履上殿  
入朝不趨奏拜不名三月甲辰宋帝詔進帝位相國總百揆封十

郡爲齊公備九錫禮加遠游冠位在諸侯王上加相國綠綬綬甲  
寅使以備物典禮進策曰朕以不造夙罹閔凶嗣君失德書契未  
紀威侮五行虔劉九縣神狀靈繹海水羣飛綴旒之殆未足爲譬  
豈直小宛興刺黍離作歌而已哉天贊皇宋實啟明宰爰登寡昧  
纂承大業高勳至德振古絕倫雖保衡翼殷博陸匡漢方斯蔑如  
也今將授公典禮其敬聽朕命乃者袁劉構禍實繁有徒子房不  
臣稱兵協亂顧瞻宮掖將成茂草言念邦國翦爲仇讐當此之時  
人無固志公投袂徇難超然奮發登寅車而戒路執金板而先驅  
麾鉞一臨凶黨冰泮此則霸業之基勤王之始也安都背叛竊據  
徐方敢率犬羊陵虐淮浦索兒愚悖同惡相濟天祚無象背順歸  
逆北鄙黔黎奄墜塗炭公受命宗祊精貫朝日擁節和門氣踰霄  
漢破釜之捷斬馘蔽野石梁之戰禽其渠帥保境全人江陽卽序



此又公之功也張淹迷昧弗顧本朝爰自南區志圖東夏潛軍間入竊覬不虞于時江服未夷皇塗荐沮公忠誠慷慨在險彌亮以寡制衆所向風偃朝廷無東顧之憂閩越有來蘇之慶此又公之功也匈奴野心侵掠疆場醜羯俯張勢振彭泗公奉辭伐罪戒旦晨征兵車始交氛祲時蕩弔死扶傷弘宣皇澤俾我淮肥復霑盛化此又公之功也自茲厥後獫狁孔熾封豕長蛇重窺上國而勢故相仍師出已老角城高壘指日淪陷公眷言王事發憤忘食躬擐甲胄視險若夷分疆畫界開創青兗此又公之功也桂陽負衆輕問九鼎裂寇毀冕拔本塞源烈火焚于王城飛矢集乎君屋羣后憂惶元戎無主公按劍凝神則奇謨冠世把旄指麾則懦夫成勇信宿之間宣揚底定此又公之功也皇室多難釁起戚藩建平失圖興兵內侮公指授六師義形于色役未踰旬朱方寧晏此又

公之功也蒼梧肆虐諸夏糜沸淫刑以逞誰則無辜黔首相悲朝不謀夕高祖之業已淪文明之軌誰嗣公遠稽殷漢之義近遵魏晉之典猥以眇身入奉宗祏七廟清謚九區反攻此又公之功也表劉攜貳成此亂階醜圖潛構危機竊發據有石頭志犯應路公神謀內運霜鋒外舉袂袵載澄國塗悅穆此又公之功也沈攸苞禍歲月滋彰蠡目豺聲阻兵安忍乃眷西顧緬同異域而經綸惟始九伐未申長惡不悛遂逞凶逆公把鉞出關疑威江甸正情與皦日同亮明略與秋雲競爽至義所感人百其心積年逋誅一朝顯戮沮浦安流章臺順軌此又公之功也公有濟天下之勲重之以明哲道庇生靈志匡宇宙戮力肆心劬勞王室險阻艱難備嘗之矣若乃締構宗稷之勤造物資始之澤雲布霧散光被六幽弼予一人永清四海是以秬草騰芳於郊園景星垂暉於清漢遐方



欵關而慕義荒服重譯而來庭汪哉邈乎無得而名也朕聞疇庸  
表德前王盛典崇樹侯伯有國攸同所以文命成功玄圭顯錫姬  
旦宣哲曲阜啟藩或改玉以弘風或胙土以宣化禮絕常班寵冠  
羣辟爰遠桓文車服異數惟公勲業超於先烈而褒賞闕於舊章  
古今之道何其爽歟靜言欽歎良有缺然今進授相國以青州之  
齊郡徐州之梁郡南徐州之蘭陵魯郡琅邪東海晉陵義興揚州  
之吳郡會稽凡十郡封公爲齊公錫茲玄土苴以白茅定爾邦家  
用建冢社斯實尚父故藩世作盟主紀綱侯甸率由舊則往者周  
召建國師保兼任毛畢執珪入作卿士內外之寵同規在昔今命  
使持節兼太尉侍中中書監司空衛將軍雩都縣開國侯彥回授  
公相國印綬齊公璽紱持節兼司空守尚書令僧虔授齊公茅土  
金虎符第一至第五左竹使符第一至第十左相國位總百辟秩

踰三事職以禮移號隨事革其以相國總百揆去錄尚書之稱送  
所假節侍中貂蟬中外都督太尉印綬竟陵公印策其驃騎  
大將軍揚州牧南徐州刺史如故又加公九錫其敬聽後命以公  
執禮弘律儀刑區宇遐邇一體人無異業是用錫公大輅戎輅各  
一玄牡二駟公崇修南畝所寶惟穀王府充實百姓繁衍是用錫  
公袞冕之服赤舄副焉公居身以謙導物以義鎔鈞庶品罔不和  
悅是用錫公軒縣之樂八佾之舞公翼贊王猷聲教遠洽蠻夷竭  
歡回首內附是用錫公朱戶以居公明鑒人倫澄辯涇渭官方與  
能英乂克舉是用錫公納陛以登公保佑皇朝厲身化下杜漸防  
萌含生寅式是用錫公虎賁之士三百人公禦寇以刑禦姦以德  
君親無將將而必誅是用錫公鈇鉞各一公鳳舉四維龍騰八表  
威靈所振異類同乂是用錫公彤弓一彤矢百盧弓十盧矢千公



南史四  
明發載懷肅恭禋祀孝敬之重義感靈祇是用錫公秬鬯一卣圭  
瓚副焉齊國置丞相以下敬遵舊式往欽哉其祇服朕命經緯乾  
坤宏亮洪業茂昭爾大德闡揚我高祖之休命高帝三讓公卿敦  
勸固請乃受之丁巳下令赦國內殊死以下宋帝詔齊公十郡之  
外隨宜除用以齊國初建給錢五百萬布五千疋絹五千疋以太  
尉左長史王儉爲尚書右僕射領吏部四月癸酉宋帝又詔進齊  
公爲王以徐州之南梁陳潁川陳留南兗州之盱台山陽秦廣陵  
海陵南沛增王封爲二十郡使司空褚彥回奉策授璽紱改立王  
社餘如故丙戌命齊王冕十有二旒建天子旌旗出警入蹕乘金  
根車駕六馬備五時副車置旄頭雲罕樂舞八佾設鍾簷宮縣王  
世子爲太子王女王孫爵命一如舊儀辛卯宋帝以歷數在齊乃  
下詔禪位是日遜于東邸壬辰遣使奉策曰咨爾齊王伊太古初

陳萬化紛綸開曜靈以鑒品物立元后以馭黎元若夫睿成大庭  
之世伏羲五龍之辰靡得而詳焉自軒黃以降墳素所紀略可言  
者莫崇乎堯舜披金繩而握天鏡開玉匣而總地維德之休明宸  
居靈極期運有終歸禪與能所以大唐遜位謗然興歌有虞揖讓  
卿雲發采遺風餘烈光被無垠漢魏因循不敢失墜爰逮自晉亦  
遵前典昔我祖宗英叡旁格幽明末葉不造仍世多故惟王聖哲  
欽明榮鏡區宇仁育羣生義征不憚聲化遠洎荒服無虞殊類同  
規華戎一族是以五色來儀於軒庭九穗含芳於郊牧象緯昭徹  
布新之符已顯圖讖彪煥受終之義既彰靈祇乃眷兆庶引領朕  
聞至道深微惟人是弘天命無常惟德是與所以仰鑒玄情俯察  
羣議敬禪神器授帝位於爾躬四海困窮天祿永終於戲王其允  
執厥中儀刑前式以副率土之欣望命司喪而謁蒼昊奏雲門而



升圓丘時膺大禮永保弘業豈不盛歟并命璽書遣兼太保司空褚彥回兼太尉以尚書令王僧虔奉皇帝璽綬受終之禮一依唐虞故事高帝固讓宋朝王公以下陳留王粲等詣門陳請帝猶未許齊世子卿士以下固請兼太史令將作匠文建陳天符瑞因言漢自建武至建安二十五年一百九十六年而禪魏魏自黃初至咸熙二年四十六年而禪晉晉自泰始至元熙二年一百五十六年而禪宋宋自永初元年至昇明三年凡六十年咸以六終六受六亢位也驗往揆今若斯昭著敢以職任備陳管穴伏願順天時膺符瑞二朝百辟又固請尚書右僕射王儉奏被宋詔遜位臣等參議宜尅日受禪高帝乃許焉

建元元年夏四月甲午皇帝卽位於南郊柴燎告天曰皇帝臣道成敢用玄牡昭告于皇皇后帝夫肇自生靈樹以司牧所以闡極立則開元創物肆茲大道天下惟公命不于常昔在虞夏受終上代粵自漢魏揖讓中葉咸煥諸方策載在典謨水德旣微仍世多故寔賴道成匡救之功以弘濟乎厥難大造顛墜再構區宇誕惟天人罔弗和會迺仰協歸運景屬與能用集大命于茲辭德匪嗣至于累仍而羣公卿士庶尹御事爰及黎獻暨乎百蠻僉曰皇天眷命不可以固違人神無統不可以曠主畏天之威敢不祗順鴻曆敬簡元辰虔奉皇符升壇受禪告類上帝以答人衷式敷萬國惟明靈是饗禮畢備大駕幸建康宮臨太極前殿大赦改元賜人爵二級文武位二等鰥寡孤獨不能自存者穀人五斛逋租宿責勿收犯鄉論清議賊汙淫盜者一皆蕩滌洗除先注與之更始長徒敕繫者特加原遣亡官失爵禁錮奪勞一依舊典封宋帝爲汝陰王築宮于丹陽故縣行宋正朔車旗服色一如晉宋故事上書



不爲表答表不稱詔宋諸王皆降爲公郡公主爲縣君縣公主爲鄉君詔降宋南康郡公爲縣公華容公爲侯萍鄉侯爲伯減戶有差以奉劉穆之王弘何無忌之祀追尊皇考曰宣皇帝皇妣曰孝皇后陵曰永安妃曰昭皇后陵曰泰安詔劫賊餘口沒在臺府者悉原赦諸負釁流徙者皆聽還本土戊戌以荊州刺史疑爲尚書令驃騎大將軍開府儀同三司斷四方上慶禮己亥詔二宮諸王悉不得營立屯邸封略山湖乃停太宮池塞稅庚子詔宋帝后藩王諸陵量置守衛五月丙午以河南王吐谷渾拾寅爲驃騎大將軍詔宋氏第秩量所廢置有司奏留襄陽郡公張敬兒等六十二人除廣興郡公沈曇亮等一百二十二人改元嘉曆爲建元曆祖以正月卯臘以十二月未丁未詔曰設募取將縣賞購士蓋出權宜自今可斷衆募乙卯河南國遣使朝貢丙辰詔遣兼散騎常侍

十二人巡行四方己未汝陰王廋齊志也追謚爲宋順帝辛酉誅陰安公劉燮等六月乙亥詔宋末以來枯骸毀櫬宣下埋藏庚辰備法駕奉七廟王于太廟甲申立齊太子蹟爲皇太子斷諸州郡禮慶降死罪以下刑并申前赦恩百日立皇子疑爲豫章王映爲臨川王晃爲長沙王曄爲武陵王暘爲安成王鏘爲鄱陽王鏐爲桂陽王鑑爲廣興王皇孫長懋爲南郡王乙酉葬宋順帝於遂寧陵秋七月丁未曲赦交州部內丁巳詔南蘭陵桑梓本鄉長蠲租布武進王業所基給復十年八月癸巳省陳留國丁巳立皇子鈞爲衡陽王九月辛丑詔以二吳義興三郡遭水減今年田租乙巳復置南蠻校尉官丙午加司空褚彥回尚書令冬十月丙子立彭城劉胤爲汝陰王奉宋後己卯享太廟辛巳汝陰王太妃王氏薨追贈宋恭皇后己丑荊州天井湖出綿人用與常綿不異



二年春正月戊戌朔大赦以司空褚彥回爲司徒以尚書右僕射王儉爲左僕射辛丑祀南郊二月丁卯魏軍攻壽陽豫州刺史垣崇祖破走之癸巳遣大使巡慰淮肥徐豫邊人尤貧遘難者三月百濟國遣使朝貢以其王牟都爲鎮東大將軍夏四月丙寅進高麗王樂浪公高璉號驃騎大將軍五月立六門都墻秋九月甲午朔日有蝕之丙子蠕蠕國遣使朝貢冬十二月戊戌以司空褚彥回爲司徒壬子以驃騎豫章王嶷爲司空

三年春正月壬戌朔詔王公卿士薦讜言丙子立皇子鋒爲江夏王二月癸丑罷南蠻校尉官夏四月辛亥始制東宮臣僚用下官禮敬聞喜公子良等六月壬子大赦秋七月己未朔日有蝕之九月辛未蠕蠕國王遣使欲俱攻魏獻師子皮袴褶烏程令吳郡顧昌玄坐父法秀宋泰始中北征死亡屍骸不反而昌玄宴樂嬉游

與常人無異有司請加以清議丙戌置會稽山陰縣獄丞冬十月戊子以河南王世子吐谷渾度陽侯爲西秦河二州刺史河南王十二月丁亥高麗國遣使朝貢命散騎常侍虞炎等十二人巡行諸州郡觀省風俗

四年春二月乙未上不豫庚戌詔原都下囚繫有差免元年以前逋責三月庚申詔司徒褚彥回左僕射王儉受顧託壬戌皇帝崩于臨光殿年五十六羣臣上謚曰高皇帝廟號太祖梓宮於東府前渚升龍舟四月丙午葬于武進泰安陵於龍舟卒哭內外反吉上少有大量喜怒不形于色深沈靜默常有四海之心博學善屬文工草隸書奕碁第二品雖經綸夷險不廢素業及卽位後身不御精細之物王衣中有玉介導以長侈奢之源命打破之凡異物皆令隨例毀棄後宮器物欄檻以銅爲飾者皆改用鐵內殿施黃



紗帳宮人著紫皮履華蓋除金華瓜用鐵回釘每曰使我臨天下十年當使黃金與土同價欲以身率下移風易俗性寬嘗與直閣將軍周覆給事中褚思莊共棊累局不倦覆乃抑上手不許易行其弘厚如此所著文詔中書侍郎江淹撰次之又詔東觀學士撰史林三十篇魏文帝皇覽之流也始帝年十七時嘗夢乘青龍上天西行逐日帝舊坐在武進彭山岡阜相屬百里不絕其上常有五色雲又有龍出焉上時已貴矣宋明帝甚惡之遣善占墓者高靈文徃墓所占相靈文先給事太祖還詭答曰不過出方伯耳密白太祖曰貴不可言明帝意猶不已遣人踐籍以左道厭之上後於所樹華表柱忽龍鳴震響山谷明帝寢疾爲身後之慮多翦功臣上亦見疑每云蕭道成有不臣相時鎮淮陰每懷憂懼忽見神人謂上曰無所憂子孫當昌盛泰始三年宋明帝遣前淮南太守

孫奉伯徃淮陰監元會奉伯舊與帝款是行也帝與奉伯同室臥奉伯夢上乘龍上天於下捉龍脚不得及覺叙夢因謂曰兗州當大庇生靈而弟不得與也奉伯竟卒於宋世又參軍崔靈建夢天謂已蕭道成是我第十九子我去年已使授其天子位考自三皇五帝以降受命之次至帝爲十九也及爲領軍望氣者陳安寶見上身上恒有紫黃氣安寶謂王洪範曰此人貴不可言所居武進縣有一道相傳云天子路或謂秦皇所游或云孫氏舊迹時訛言東城天子出其後建安王休仁鎮東府宋明帝懼殺休仁而常閉東府不居明帝又屢幸改代作伐以厭王氣又使子安成王之及蒼梧王敗安成王代立時咸言爲驗術數者推之上舊居武進東城村東城之言其在此也昇明二年冬延陵縣季子廟沸井之北忽聞金石聲疑其異鑿深三尺得沸井奔涌若浪其地又響卽



復鑿之復得一井涌沸亦然井中得一木簡長一尺廣二分上有  
隱起字曰廬山道人張陵再拜詣闕起居簡文堅白字色乃黃瑞  
應圖云浪井不鑿自成王者清靜則仙人主之會稽剡縣有山名  
刻石父老相傳云山雖名刻石而不知文字所在昇明末縣人兒  
襲祖行獵忽見石上有文字凡三處苔生其上字不可識乃去苔  
視之其大石文曰此齊者黃石公之化氣也立石文曰黃天星姓  
蕭字道成得賢師天下太平小石文曰刻石者誰會稽南山李斯  
刻秦望之風也孝經鉤命決曰誰者起視名將將帝小字也河洛  
識曰歷年七十水滅緒風雲俱起龍鱗舉又曰肅肅草成道德盡  
備案宋水德也義熙元年宋武帝王業之始至齊受命七十年又  
識曰蕭爲二士天下樂案二士主字也郭文舉金雄記曰當復有  
作肅入草易曰聖人作萬物觀當復有作言聖人作也王子年歌

曰欲知其性草肅肅穀中最細低頭熟鱗身甲體永興福穀中精  
細者稻也卽道也孰猶成也又歌曰金刀利刃齊刈之金刀劉字  
刈猶翦也孔子河洛識曰竭河梁塞龍泉消除水災泄山川水卽  
宋也宋氏爲災害故曰水災梁亦水也竭河梁則行路成矣路猶  
道也消除水災除宋水氏之災害也河圖識又曰上參南斗第一  
星下立草屋爲紫庭神龍之岡梧相生鳳鳥戢翼朔旦鳴南斗吳  
分野草屋者居上蕭字象也先是益州有山古老相傳曰齊后山  
昇明三年四月二十三日有沙門玄暢者於此山立精舍其日上  
登尊位其月二十四日滎陽郡人尹千於嵩山東南隅見天雨石  
墜地開有玉璽其中璽方三寸文曰戊丁之人與道俱肅然入  
草應天符掃平河洛清魏都又曰皇帝運興千奉璽詣雍州刺史  
蕭赤斧赤斧以獻案宋武帝於嵩高山得玉璧三十二枚神人云



此是宋卜世之數三十二者二三十也宋自受命至禪齊凡六十年然則帝之符應也若是今備之云

世祖武皇帝諱躋字宣遠高帝長子也以宋元嘉二十七年六月己未生於建昌縣之青溪宮將產之夕孝皇后昭皇后並夢龍據屋故小字上爲龍兒年十三夢人以筆畫身左右爲兩翅又著孔雀羽衣裳空中飛舉體生毛髮長至足有人指上所踐地曰周文王之田又於所任堂內得璽一枚文曰皇帝行璽又得異錢文爲北斗星雙刀雙貝及有人形帶劍焉仕宋爲贛令江州刺史晉安王子勛反上不從命南康相沈肅之繫上郡獄族人蕭欣祖門客桓康等破郡迎出上上遂率部曲百餘人起義避難揭陽山有白雀來集聞山中有清聲傳漏響又於山累石爲佛圖其側忽生一樹狀若華蓋青翠扶疎有殊羣木上將討戴凱之大饗士卒是日

大熱上各令折荆枝自蔽言未終而有雲垂蔭正當會所會罷乃散及爲廣興相嶺南積旱遭水阻澗商旅不通上部伍旣至無雨而川流暴起遂得利涉元徽四年累遷晉熙王鎮西長史江夏內史行郢州事順帝立徵晉熙王變爲撫軍揚州刺史以上爲左衛將軍輔燮俱下沈攸之事起未得朝廷處分上以中流可以待敵卽據盆口城爲戰守備高帝聞之曰此真我子也於盆城掘塹得一大錢文曰太平百歲于時城內乏水欲引水入城始鑿城內遇伏泉涌出如此者九處用之不竭上表求西討不許乃遣偏軍援郢平西將軍黃回等皆受上節度昇明二年事平遷江州刺史封聞喜縣侯其年徵侍中領軍將軍尋加督京畿諸軍事三年又加尚書僕射中軍大將軍開府儀同三司進爵爲公給班劍二十人齊國建爲齊公世子改加侍中南豫州刺史給油輅車羽葆鼓吹



增班劔爲三十人以石頭爲世子宮官置二率以下坊省服章一如東宮進爲王太子高帝卽位爲皇太子建元四年三月壬戌高帝崩是日皇太子卽皇帝位大赦征鎮州郡令長軍屯營部各行喪三日不得擅離任都邑城守防備幢隊一不得還乙丑稱先帝遺詔以司徒褚彥回錄尚書事左僕射王儉爲尚書令車騎將軍張敬兒開府儀同三司詔曰喪禮雖有定制先旨每存簡約內官可三日一還臨外官間日一還臨後有大喪皆如之丁卯以前將軍王奐爲尚書左僕射庚午以司空豫章王疑爲太尉癸酉詔免逋城錢自今以後申明舊制初晉宋舊制授官二十日輒送修城錢二千宋泰始初軍役大起受官者萬計兵戎機急事有未遑自是令僕以下並不輸送二十年中大限不可勝計文符督切擾亂在所至是除蕩百姓悅焉夏四月辛卯追尊穆妃爲皇后五月庚

申以高皇帝配南郊高昭皇后配北郊六月甲申朔立河南王長懋爲皇太子詔申壬戌赦恩百日丙申立皇太子妃王氏進封聞喜公子良爲竟陵王臨汝公子卿爲廬陵王應城公子敬爲安陸王江陵公子懋爲晉安王枝江公子隆爲隨王皇子子眞爲建安王皇孫昭業爲河南郡王戊戌以水潦爲患星緯乖序尅日訊都下囚諸遠獄委刺史以時察判建康秣陵二縣貧人加振賜必令周悉吳興義興遭水縣蠲降租調以司徒褚彥回爲司空秋八月癸卯司空褚彥回薨九月丁巳以國哀故罷國子學辛未以征南將軍王僧虔爲左光祿大夫開府儀同三司冬十月乙未以中書令王延之爲尚書左僕射十二月乙丑詔曰緣淮戍將久處邊勞三元行始宜霑恩慶可遣中書舍人宣旨臨會後每歲如之永明元年春正月辛亥祀南郊大赦改元壬子詔內外羣僚各進



謹言王公卿士各舉所知又詔守宰祿奉益有恒準徃以邊虜告  
警故公時損益今區宇寧晏宜加優獎郡縣丞尉可還田秩壬戌  
立皇弟銳爲南平王鏗爲宜都王皇子子明爲武昌王子罕爲南  
海王望氣者云新林婁湖東府西有氣甲子築青溪舊宮作新婁  
湖苑以厭之二月庚寅以征虜將軍楊昺爲沙州刺史封陰平王  
三月丙辰詔以星緯失序陰陽愆度申辛亥赦恩五十日以期訖  
爲始戊寅詔四方見囚罪無輕重及劫賊餘口長徒收繫悉皆原  
赦夏五月丁酉車騎將軍張敬兒有罪伏誅秋八月壬申魏人來  
聘冬十月丙寅使驍騎將軍劉纘聘于魏十一月己卯雷十二月  
乙巳朔日有蝕之

二年春正月乙亥以護軍將軍柳世隆爲尚書右僕射以南兗州  
刺史竟陵王子良爲護軍將軍兼司徒壬寅以新除尚書右僕射  
柳世隆爲左僕射以丹陽尹李安人爲右僕射秋七月甲申立皇  
子子倫爲巴陵王八月丙午幸舊宮申都下獄及三署見徒量所  
降宥戊申幸玄武湖講武壬子扶南國遣使朝貢并獻頌章云甲  
子詔都下二縣墳墓毀發隨宜掩埋遺骸未視者並加斂瘞疾困  
不能存者詳加霑賚冬十二月庚申魏人來聘

三年春正月辛卯祀南郊赦三百里內罪應入重者降一等餘依  
赦制三月甲寅使輔國將軍劉纘聘于魏夏五月省總明觀秋七  
月甲戌左光祿大夫開府儀同三司王僧虔薨辛卯於益州置平  
蠻校尉官八月乙未幸中堂聽訟乙巳以行宕昌王梁彌頡爲河  
涼二州刺史封隴西公宕昌王冬十一月丙辰魏人來聘十二月  
以江州刺史王奐爲尚書右僕射改封武昌王子明爲西陽王  
四年春閏正月癸巳立皇子子貞爲邵陵王丁未以武都王楊集



始為北秦州刺史辛亥耕籍田詔宥殊死以下甲寅幸閱武堂勞酒小會賜王公以下在位者帛有差戊午幸宣武堂講武二月丙寅大風吳興偏甚樹葉皆赤己未立皇弟鉢為晉熙王鉉為河東王壬午使通直郎裴昭明聘于魏

五年春正月戊子以太尉象韋王疑為大司馬車騎將軍竟陵王子良為司徒驃騎將軍臨川王映衛將軍王儉中軍將軍王敬則並以本號開府儀同三司以尚書右僕射王奐為尚書左僕射辛卯賜孤寡老疾各有差夏四月庚午殷祀太廟降諸囚徒先是立商飈館於孫陵岡世呼為九日臺秋九月辛卯車駕幸焉冬十月初起新林苑

六年春三月甲申詔皇太子於東宮玄圃園宣猷堂臨訊及三署徒隸己亥封皇子子響為巴東王夏五月庚辰左衛殿中將軍郗鄆超表陳射雉書奏賜死又潁川荀丕亦以諫諍託他事及誅六月辛未詔省州郡縣送故輸錢者秋七月齊興太守劉元寶於郡城墜得錢三十七萬皆輸厚徑一寸半以獻上以為瑞班賜公卿九月壬寅於琅邪城講武習水步軍冬十月庚申立冬初臨太極殿讀時令十一月丙戌土霧竟天如烟入人眼鼻二日乃止

七年春正月丙午以鎮南將軍柳世隆為尚書左僕射以豫州刺史西昌侯鸞為右僕射辛亥祀南郊大赦申明不舉子之科若有產子者復其父壬戌驃騎將軍開府儀同三司臨川王映薨戊辰詔以諸大夫年秩隆重增俸給見役三月甲寅立皇太子岳為臨賀王子峻為廣漢王子琳為宣成王子珉為義安王夏五月乙巳尚書令衛將軍開府儀同三司王儉薨甲子以新除尚書左僕射柳世隆為尚書令秋九月壬寅魏人來聘冬十一月戊申詔平南



參軍顏幼明聘於魏

八年春正月庚子以領軍王奐爲尚書左僕射丁巳以行百濟王  
泰爲鎮東大將軍百濟王二月辛卯零陵王司馬藥師薨夏四月  
戊辰朔詔公卿以下各舉所知六月己巳魏人來聘庚午長沙王  
晃薨丙申大雷雨黃光竟天照地狀如金乙酉都下大風發屋秋  
七月癸卯詔以陰陽舛和緯象愆度儲胤嬰患淹歷旬晷可大赦  
八月壬辰荊州刺史巴東王子響反遣丹陽尹蕭順之討之子響  
伏誅乙酉以河南王世子休留代爲西秦河二州刺史封河南王  
冬十一月戊寅詔量增尚書丞郎賜祿己卯改封宣城王子琳爲  
南康王立皇子子建爲湘東王

九年春正月甲午省平蠻府辛巳祀南郊降都下見囚戊午詔射  
聲校尉裴昭明聘于魏三月癸巳明堂災夏五月丙申林邑國獻

金篋丁未魏人來聘安成王高薨己未樂游正陽堂災秋八月己  
亥使司徒參軍蕭琛聘于魏吳興義興大水乙卯蠲二郡租九月  
戊辰幸琅邪城講武觀者傾都普頒酒肉冬十月甲寅魏人來聘  
十年春正月戊午以司徒竟陵王子良爲尚書令以尚書右僕射  
西昌侯鸞爲左僕射詔增內外有務衆官祿奉丙戌詔故太宰褚  
彥回故太尉王儉故司空柳世隆驃騎大將軍王敬則鎮軍大將  
軍陳顯達故鎮東將軍李安人配享太祖廟庭二月乙巳使司徒  
參軍蕭琛聘于魏

十一年春正月戊午以驃騎大將軍豫州刺史王敬則爲司空乙  
亥皇太子長懋薨二月雍州刺史王奐有罪伏誅三月丙寅以金  
紫光祿大夫王晏爲尚書右僕射夏四月癸未魏人來聘甲午立  
皇孫昭業爲皇太孫賜天下爲父後者爵一級五月戊辰以旱故



都下二縣朱方姑熟權斷酒秋七月丁巳曲赦南兗豫司徐五州南豫州之歷陽譙臨江廬江四郡三調衆逋宿責並同原除其緣淮及青冀新除僑人復除已訖更申五年先是魏地謠言赤火南流喪南國是歲有沙門從北齋此火而至色赤於常火而微云以療疾貴賤爭取之多得其驗二十餘日都下大盛咸云聖火詔禁之不止火炙至七炷而疾愈吳興丘國賓密以還鄉邑人楊道慶虛疾二十年依法炙卽差是月上不豫徙御延昌殿始登階而殿屋鳴吒上惡之魏軍將至上慮朝野憂惶力疾召樂府奏正聲伎戊寅大漸詔曰始終大期聖賢不免吾行年六十亦復何恨但皇業艱難萬機自重不能無遺慮耳太孫進德日茂社稷有寄子良善相毗輔思弘正道內外衆事無大小悉與鸞參懷尚書是職務根本悉委王晏徐孝嗣軍旅捍邊之略委王敬則陳顯達王廣之

王玄邈沈文季張瓌薛深等百辟庶僚各奉爾職謹事太孫勿有懈怠又詔曰我識滅後身上著夏衣畫天衣純烏犀導絰諸器服悉不得用寶物及織成等唯裝複袂衣各一通常所服刀長短二口鐵環者隨入梓宮祭敬之典本在因心靈上慎勿以牲爲祭祭惟設餅茶飲干飯酒脯而已天下貴賤咸同此制未山陵前朔望設菜食陵墓萬世所宅意常恨休安陵未稱今可用東三處地最東邊以塋我名爲景安陵喪禮每存省約不須煩人百官停六時入臨朔望祖日可依舊諸王六宮並不須從山陵內殿鳳華壽昌曜靈三處是吾所改制夫貴有天下富兼四海宴處寢息不容乃陋謂此爲奢儉之中慎勿壞去顯陽殿玉像諸佛及供養具如別牒可盡心禮拜供養之絰有功德事可專在中自今公私皆不得出家爲道及起立塔寺以宅爲精舍並嚴斷之惟年六十必有道



心聽朝賢選序已有別詔諸小小賜乞及閣內處分亦有別牒內  
外禁衛勞舊王帥左右悉令蕭湛優量驅使之是日上崩于延昌  
殿年五十四羣臣上謚曰武皇帝廟號世祖九月丙寅葬景安陵  
上剛毅有斷政總大體以富國爲先頗喜游宴彫綺之事言常恨  
之未能頓遣臨崩又詔凡諸游費宜從休息自今遠近薦獻務存  
節儉不得出界營求相高奢麗金粟繒纈敝人已甚珠玉玩好傷  
俗尤重嚴加禁絕

論曰齊高帝基命之初武功潛用泰始開運大拯時艱及蒼梧暴  
虐釁結朝野而百姓慄慄命縣朝夕權道旣行兼濟天下元功振  
主利器難以假人羣方戮力實懷尺寸之望豈惟天厭水行固已  
人希木德歸功與能事極乎此武帝雲雷伊始功參佐命雖爲繼  
體事實艱難御衰垂旒深存政典文武授任不革舊章明罰厚恩

皆由已出外表無塵內朝多豫機事平理職貢有恒府藏內充鮮  
人勞役宮室苑圃未足以傷財安樂延年衆庶所同幸亦有齊之  
良王也據齊梁紀錄並云出自蕭何又編御史大夫望之以爲先  
祖之次案又何及望之於漢俱爲勳德而望之本傳不有此陳齊  
典所書便乖實錄近秘書監顏師古博考經籍湮解漢書已正其  
非今隨而改削云



南史卷四 齊本紀上第四 終

蘇州中鳳亭  
氏富商印



